

文苑英華


自七百二十四
至七百三十二

踏
序

庫	文	閣	內
函	冊	架	類
100	3726		漢書

庫	文	閣	內
函	冊	架	類
100	3726		漢書

內閣文庫	
番號	漢 3726
冊數	100 (73)
函號	361 53



餞送七

淺草文庫

春宵餞盧司馬文歸澧州序一首

送前鳳翔楊司馬赴節度序一首

送王司議季友赴洪州序一首

送張中丞歸魏博序一首

送盧侍御赴恒州使幕序一首

送高侍御還鳳翔序一首

宴餞嚴判官使還上都序一首

送尹判官之江陵序一首

送鄭判官之廣州序一首

送崔判官赴容州序一首

送房判官巡南海序一首

送盧判官之梧州鄭判官之昭州序一首

送楊兵曹太祝兄弟序一首

初冬餞崔司直赴京選集序一首

送康兵曹入蜀序一首 送常兵曹赴上都序一

送孟司戶赴山南序一首

送穆司法赴劍州序二首

初夏陸萬年廳送奉化陸長官之任序一首

送金壇常明府序一首

送河南王少府還任序一首

送陳晉李少府歸上都序一首

送家令祁丞序一首

春宵餞盧司馬丈歸澧陽序

于邵

友人承門戶之資擢衣冠之秀司武湖上休有冷開移家
澧陽吾取道勝蓋內緣世故從所擇馬况端公丈二十年
間王事靡盬開物致理洽開朝廷辟公府而載義鐵冠鎮
方隅而寵授金鉞膺我重寄每懷離別豈不欲徃職是愆
戎六丈念切在原崎嶇過嶺亦既至止自冬徂春二龍齊
驟黼黻交映出恭入友論者榮之春二月中車戒僕言首
歸路凡我同志猶惜別如此而况端公是日之心乎觀察
判官鄭公初筵叙離方繼以夜願留候騎陪盡此歡舉白

而衆賓已酣未晞而主人猶請邵上負明聖來貳藩隅終
沐廢麻忝招座右覩今夕之樂想分歧之恨豈登山臨水
而曰送乎

送前鳳翔楊司馬赴節度序

前人

御史大夫李公擁旌旄領鳳翔尹西控數州之地將戡定
叛亂糾送容吏未及下車而思其人故司馬之才膺此駿
選幕中之畫居然有符公頃佐是藩天蹕在雍戎馬鉅計
注之有司大東小東無不仰給日承顧問休聲四聞人到
于今或受其賜交辟之下得無光乎况宏畧泉深碩謀雲
蓄材氣自逸禮容必無阻鴻鵠之舉煙霄可仰在此行也公
之友兄術命在維持照金王相鮮不由其門孰見康
足方騁鶴原橫別河橋一分雲岫千里鳳凰潭上刀
斗初傳寶鷄祠下旌旗不捲以言疑此送遠豈如贈言行
前鶯花亂我心曲于旄美得取也二三子取而賦之

送王司議季友赴洪州序

前人

洪州之爲連率也舊矣自幽劍外姦加之以師旅十年之
間爲巨防焉當閩越奧地扼江關重阻既完且富行者如
歸道往之今大和會故朝廷望於鎮定咨爾宗枝勉移獨
坐之權實專方面之寄七州分之而承命一都風化以在
我是以王司議得爲副車以波波實爲之爲理何憂乎
杼軸爲弊何畏乎寇戎不奈公公馬馬田田宇宇下風馳境上
上下之交理道彰美良辰美公公離離蒼蒼然霜林墜葉

為聚別怨既如此歲窮又如
之所增歎邵史言也歲一無此字

此言法以中丞宜力王室

以司議碩畫幕中將書之

竹矣自念

送張中丞歸魏傳序

前人

大河故瀆魏之輿境魏大名也今國家以連帥之重特命
右僕射田公以鎮撫焉授方面之寄為諸侯之倡職貢不
俟於命錫朝奏必資於佐幕是以張侯有獻歲之會一之
日天子勞勤千次二之日有司行賞以扶疑因題柱之舊
榮加專席之新寵風生漢闕價重周行光照帝俞僉久時
望且端揆有度材之鑒中司懷匪石之心溫溫恭人表以
光大多矣恩繇王接詔復兩河何銅臺之地遙覽上京之
五柏署追餞粉闌惜別才兼二美識者榮之今襄沔無
人神助道遵我王度樹之風聲有來雍雍信足樂之詩
可以群興而群公賦之

送盧侍御赴恒州帥幕序

前人

聖朝以上台清河王鴻勳茂績焯見群后得一作兼館中
拒將二十年南征北伐投艱排難則倍之矣是則國有恒
岳以公配之而有土天有卜將以公委之而分闡勦則至
矣位亦極矣談者為羨其此固然故得高枕安邊苞茅述
職出契忠義入延秀異不法數千而得盧君亦感激
知已奔波從事雖立資於此實由此用此不家而食盡室
以行峨鐵冠而列在陪王帳以何風雲會合而至是

乎初此行也鍾陵有連帥之

射落帆江浦上謁告離府公

以稟命則同獎王室脩好則

小商選方受蓬上公是厚宴

介我以雜珮必先餽牽便香

以延禮器通者玄米仲月白

鴈南飛大舟橫江信宿千里

以勞從軍之樂不賦苦寒之

行蓋時人義之者多矣漢江一

旅人也趨風明庭同等見

顧常忝座右之客不賤屏外

員送君此行抑有由也然

安得容容操疑作予之祛乎

送高侍御還鳳翔序

前人

高侍御文行忠信士林之秀者也御史大夫崔公大勳既

策視人如理高選入幕實佐戎機至於是邦隱若敵國攬

營之後郡邑以清若然者艱難之時事鮮不及矣十一月

河水始堅山葉皆盡冒此寒嶮石于漢陽且欣郊迎然後

張事昨又繼燭盡使君之歡今之物筵合舍人之宴入室

而喜親狐白當杯而願假豸冠熒煌蠟花可以醉止請贊

露晞之賦用慰臨岐之恨爾

宴饒嚴判官使還上都序

前人

馮翊嚴氏之子曰暮昭宣世葉嗣續未廣能讀古訓雅為

新詩有叔度黃中之稱有季野四時之備故清風襲人人

得披襟而前蓋所嚮者多矣去年冬鄭司勳奉服嶺之後

以掄材官人將子為介以體一而二事則於交廣乎何有

今年春將復命奏庸公以便道歸定省尋水之下可歌白

華龍駒生庭神仙作尉至是邦也而賀者盈門味道探賸

遂亦浹辰以王事期迫不敢怠違是以元方不得將車而
旋嚴尊猶切倚門之望有以然也與司勳有西掖之舊文
行忠信君子人歟既與子同事又與子同術不追飛雲霄
既將置之州牧盧公叙別於初筵即中蕭公置酒于翌旦
皆飛白縱飲高歌結歡屬天降霖潦九派會同雲帆際天
行亦勤矣余羈縻未鮮處墊溺之地與子言別夫復何聊
群公推以舊老略其敗北俾冠篇首得不謂之牽歟常山
公于邵序

送尹判官之江陵序

前人

文者人之華行者人之實不華無以見本匪實無以要終
是以知在格物物格則知至及夫至也何所不集焉尹士
孔官其集之矣故忠信寶於家貞幹珍於國前年度支
平糶之法典斯南海今春轉運即均輸之便導彼西江豈
止度四方經費之用蓋在佐副相尹丞之秩先是太夫人
在堂指途於潯陽原隰煌煌絜爾壽觴由此告輟孰不稱
慶况高門傳綸詔之榮相宅主公台之兆光啓前列我有
憑焉孟夏告朔雲陰四合風雨如晦江濤若崩南颺未廻
好是行邁老夫沐普恩之宥一作澤承近地之遷鶉之首尾
可以交歡言且既別私其則那一作別那

送鄭判官之廣州序

前人

今年夏日月會于鶉火公治分汴東之幕經度邦賦于桂
之南議絕乎爭蒸人得以相慶秋九月荐加五府之命負

嶺之外一以咨之而中丞包公舉賢任能捐萬里勞思之
煩委一都專達之計我州我庶雖違德實難予取予求而
受賜猶舊觀察使范陽盧公愴雲天之忽間惜姻好之遐
阻置酒高會邈歡累日誰言醉止必待露晞然後維舟陽
江宿設候館遊以舟楫一作以揖欲別不能漲濤湧溟長空
不分湏外徼以內賦詠蒼梧之白雲所以道與簡會壯遊
心逸聚散之分抵疑作我勞如何况公風監恢達博聞明辨
從事貞固守常直道奉緇衣之前慶乘扶搖之上激作人
之表予所望焉昭昭令聞日賀光大矣

送崔判官赴容州序

前人

服嶺之外列巨防者五而容其一焉自中原多故邑居蕩
析始貽有長吏苟之之命今年春有詔特命元公都督士
二州諸軍事資其庶富而宣乎教化者也夫教之以循化
之以仁俾其歸于王而不隔乎荒則書同文車同軌當南
北萬數千里而還職焉不其遼哉博陵崔公光膺副車之
選秋八月傳次于壽春安豐縣之東亭前臨芍波渺漫無
一作天際雖淮海之內浸藪則多而勝景之中堪遊蓋少故
邀留賦別非此而何邵孤奉明恩負累炎微邂逅相遇歡
戚不同既而前多岐路行有先後日暮猶遠自有窮途之
泣木葉微脫更切長年之悲其賦離之什則亞相崔公冠
乎首矣群公其次第之

送房判官巡南海序

前人

兩河稽誅為日舊矣固是迷悖腥聞于天法將汙瀆罪爾
無赦是用調發集于東郊瞻上將於五道興王師之十萬
千金之費實資經度中之一作別有益府既博之用不勤
於人豈與夫漢武事邊窮兵蜀主以小謀大而較其損益
哉則天下怙亂不得不除宇內稱兵不可不滅忽是任者
惟我國楨兼御史中丞包公專其事佐衛倉曹房公分其
巡公英姿秀發相門流慶以公忠為已任以學行為身文
昭和以全真脩睦以合義長途逸翮則未可涯冬十月桂
林務要皇一無此字 番禺利往輕楫既具高帆欲張煌煌元公
作鎮南海在公為外舅在國為屏臣潘楊佳姻冰玉相映
式瞻之地其誰不懷桂管經畧觀察使范陽盧公惜雲雨
別悵江山斲間置酒高會徵詩寵行南天不寒四氣爭
暑黃裊未摘盧橘又一作花請因衆芳以動佳興將我府
公之厚意也

送盧判官之梧州鄭判官之昭州序 前人

中前一作朝 有蕭牆之變王宮不開夫莠尚在我憂未弭都
人共駭遠服多虞大唐思汔可之安率土獲將來之祐詔
下哀痛恩覃動植天地更張乎範圍日月復次於黃道人
既受賜其官爰議其能非其能則我命用黎奪其賜則彼
眚何戴授之一作二者至于勤斯桂管都防禦經畧觀察
使范陽盧公道千乘之國齊百蠻之化敬事而信視人如
傷頃者嶺外諸守除書中絕內無合契之符外闕分憂之

寄望吳隱而莫至希士燮以實難是用舉所知延幕客盧
與鄭二郡有光凡官材定論物格知至今之抑與誰曰不
然必能發準的於穀中化陋夷於度內上以奉知己下以
拯黎元力行近仁於斯為美何必秉鉤當軸方及於人
桂林陽亭南越之勝雙旌啓路舉棹茲始諸公惜別宿
戒期雲岫座中煙花雨後愛時景之可共悵高帆之不
留
遷客于邵書其事

送楊兵曹太祝兄弟序

前人

天寶中謬掌鉛槧領卿大夫門子出於龍樓以詖篋為事
是時與楊氏兄弟相見于今十年矣曾不以薄劣移意克
全乎相知不出樓數年各以才進果行敏德依仁據義焜
爛而金玉交映肅穆而風塵不雜入其門森森然楚所謂
難矣屬中原多故荆棘未剪窟身郊山復與合疇昔之好
實獲我心今年春清羗白氏相率為霄震我郡邑毒痛生
人而楊公侍親日有憂色擇地以養告別遂行是以二王
趙蕭四族偕往懿親密友義切同舟並駕而逸足相追拔
茅而彙征斯吉方將導黑水以合漢適樂土而中權豈止
奔波雲山悵望岐路而已蓋隨之為義也大矣巴防楚塞
援聲千里東出桐栢南拒荊州三江五湖可以利涉心斷
印否薄送于郊非斯人之為別吾誰為賦矣

初冬餞崔司直赴京選集序

前人

大官大邑惟賢者主之臨安大邑也而崔公蕪領浹年之

間輿人致誦雖化更有命居之無何然與人休息行難爲
繼矣屬太夫人在堂閨門之敬舊家於漢上張仲孝友行
思板輿譚公維私式歌弄印崩波私沂一作松沂重咀
里亦既至止稱歡壽觴前彭州司馬公之元昆所遊有方
嘉此良會皆才膺開物乃有餘地從士大夫遊必先曲禮
二龍方騁未可量也國有衡鏡人歸品藻十月良月駕言
北遊當山公一作持刈楚之鈔信多士發長鳴之日也以
彼前慶續茲高選雖欲勿用其若才何雖古人捧檄在此
行也固同人惜離出餞于野遠山四合長空沉寥望青林
而不盡看白日而將暮忝座右之末陪難孫之行不腆斯
文俾專序別蓋讓之不可遂也冠于篇首

送康兵曹入蜀序

前人

與兵曹公敵惠於今三世矣然則子之大人某當肩隨之
日雖中年隔別而榮問不輟一作不虞康子來涉疑作吾
境見父之執果於覲親可謂達也况風骨爽秀機會駿發
約之以禮博我以文青雲之次女於是乎見矣以日迫諸寇
一作冠非家君在蜀乘間赴覲靡違底寧曾未信宿駕言于邁
以此道別無如之何副相嚴公惣統江劔東西郡邑盖以
百數皆風靡波偃奔走乎大府威名之下誰不心注一作注心
且鳥擇高梧人歸如水吾子之往矧有舊乎郊坰之南乎
以送遠楊柳雖綠我意悲春喬梓有方君心是慶白華之
美者故歌而道之幕中有行軍馬公判官張公書記崔公

高副時選相期郢匠執子之手幸謝故人

送常兵曹赴上都序

前人

常公顯名三蜀出入東西川垂二十年矣至於是邦必問其政蓋禮者德之幹利者義之和由之不失其道也噫夫克有具美而抑與之徒淹歲月未上霄漢俾其知己者熱而已雖多亦奚補於時議哉有以知君子不見而彰義然後取信吾寶也杜陵鄉曲千里而近楚王壇上瞻望仍遙鴈隨陽而昨夜初過木落山而寒霜始白今日何日江干送歸豈無樽酒可以留餞國家開設會府綜覈九流衡懸而不欺輕重論定而必先遠大之子之往求善價而沽諸乎愛惟允將美利而利物夫然則家之肥而國又肥也南山之南日復羈齒時因便風無金玉爾旨千里常生豈可何及

送孟司戶赴山南序

前人

今之天府急賢為事者多矣然則中丞張公賢而佐之公物統已微蓋群邑百數皆夙興夜寐奔走乎梁州一方無慮千里坐嘯何寇盜之敢暴不澄清而彌肅所以賢與不肖有別而孟戶曹應辟焉非夫學究精微德含光大貞幹克副于公望勤勞可著乎王家豈中丞之與能而幕府之英選能致如此聞四月告鞍指途出郊相餞昨夜殘雨朝煙稍霽黃鳥上下綠陰若浮此時送君微我無酒况東郊西郊鼓鼙猶作征軸之弊又急平安人勉旃孟侯無以自

婿

送穆司法赴劍州序二首

前人

昔掾穆侯理行歸于劍十月寒矣艱哉是行休於嘉陵
之陽一作日與樵牧為伍而吾子言涉江水至於室廬告
較之期不遠千里然則取諸羽翮擊彼風水時之來也嗚
可驚人而愛親之道敬養為切安得擇仕而以三語為屈
哉東江劍門又足助興地氣初閉河風稍嚴青冥為空黃
落向盡感物論別者廢存乎歌詩

人謂穆子通於理者也哀然作掾榮問所致

一作自故字

隴之下清風可挹人能盡驩郡真知勉矣頃以令弟仕于

太夫人就養適乎遠雖迫王事心馳倚閭朝請庶幾
郊郭不俟高駕拂衣而南群公錫類詎敢留心各以壺
酒垂楊好陰金秋始交火雲猶赫指日獻壽在原增光
君遂行千萬無盡

初夏陸萬年廳送奉化陸長官之任序 前人

予籍奉化君之猷甚矣今也何幸辱與萬年君遊而獲展
禮焉公有入室之清行有顓門之奧學加之理要歸以藝
文三十年中猶宰一邑是何奇偶之所不倫乎先是公由
外署嘗攝行此職未拜真而復罷人到于今思之豈彼人
之幸猶多而資公之政為理不然奚十年之外復與此合
耶况今年吏曹尤難其選天子申明乎詔令宰輔論定乎

官材天官卿孜孜於取捨庶此舉也授受者安易為力哉
拜恩前殿隨牒上道萬年君軫陟岡之歎愴異縣之遠叙
離公堂言具旨酒二三親好獻酢有章既敬而兄又悅而
弟上友下悌何其鞞歟鶉尾之會火雲初飛前春花木是
日仍茂感而惜分一作令於是為切夫以卿士大夫之會未
嘗不引詩人之興以宣其志萬年君所以進牘抽翰邀文
屬辭蓋合斯義將用貺別云耳

送金壇常明府序

前人

將理大國若烹小鮮不敢撓之故也况子男之為邑庸可
撓乎方今兵薄四海師老十年罄人之耕桑窮人之術數
勤以奉中國剪以賜諸軍軍興猶艱國議尚之非夫表微
外洞鑿人間曷能除其灾害拯彼塗炭於戲天官氏得
之於常金壇矣公文以藻身行以勵俗道必孚于損益名
可達於家邦醇粹居中而英華發外且三辟大府連衡者
人皆奪容一登廷評獨行者我無慍色樂天知命君子攸
難偶爾墮銓序之勞超然在甲科之列一作豈無清切之
地竟迫親人之選飛鳧此去逸驥何施然則其崩角所不
容悼心而無告者我實行矣爾何對焉鍾茅之間化可見
矣厚地始坼寒山盡空同雲不開積雪增沍楊溝追餞將
亭愈邈心乎愛矣何日忘之今之送君感別而已

送河南王少府還任序

前人

王公秀出土林香傳國譽王立增映金聲自遠故弱冠之

後代爲文人不四三年而交辟如契豈惟鴻鵠勢在千里
自是鳳雛生而五色今大夫當弄印之貴積蒼生之望立
程朝端舉正天下少府公晨昏之際戀深獨立爰自東洛
達于上京且因王命得及私覲橋梓之慶實爲時榮然則
赤縣多務不遑久留素琴在御仄馬云邁清風霽景隨我
佳興又足名也頃忝臺憲出于門闌遂使小子知名敢忘
國士之遇心乎愛矣此別何言前郊一葉涼風已半金吹
浙瀝淒然欲寒兵部自外郎王公以從父之仁敦北阮之
好猥顧同舍謂余知音相期都門方以送遠才子東矣復
無斯文

送陳留李少府歸上都序

前人

貞年中以公持刈楚之柄言采其華將拔其俗蓋也
遂在公之伯仲乎忝嘗齊衡永以爲好迨茲二紀相逢
蜀遊不虞斯來復與前合况惣括六藝又擢一枝青春才
年黃綬標映瑩若玉立蹒然鶴時長空無倪可以直上人
之望也今諫議大夫崔公典國之貴介弟於公爲外弟焉
以兄弟之子猶子也冰玉不間潘楊載睦始君之來拜乎
媼姪由君之美加乎愛矣東林表邠公遠鑒南宮實夫子
知賢光昭好述能以德選自中形外論者休之實沉之會
言旋上國蜀多名園載酒交餞雪冰初下同雲始飛寒臘
正中跋涉無苦予亦羈齒久而越吟曷爲歸期十月良月
方將尋鮑子之舊復田蘇之遊若君行此不勤一作叩石

尚書兵部郎趙公謀以貺別尚書虞部李公作為新題辭
公僉同各以位叙云

送家令祁丞序

前人

祁丞公表微造理之士也嘗精其思而深於詩警其神而
存乎象深於詩者得之於風雅存乎象者受之於丹青非
竒峰絕壑則不能運其機非緣情體物則不能動其興機
興之作爲達者多之去年八月閩越納貢而吾子實董斯
役水陸萬里寒暄浹年三江五湖曼然復遊遠與爲別故
人何情虞部郎中岑公贈詩一篇情言兼至當時之絕也
凡叙所以廣意既先見我又何載言一作送君都門舉手
千萬

卷終

文苑英華卷第七百二十五

序二十七

錢送八

送趙晏歸江東序一首 送賈九歸鳴水序一首

送從叔南遊序一首 送從舅赴陽翟序一首

送楊倓南遊序一首 送庫狄縱入蜀序一首

送盛卿序一首

送通上人之南海便赴上都序一首

送銛上人遊羅浮山序一首

送朱秀才歸上都序一首

送陳秀才序一首 送冷秀才東歸序一首

送竇秀才序一首 送蔡秀才序一首

送朱拾遺序一首

陪江西李大夫東湖賦詩送宣武軍趙判官還使

一首

送常處士適東陽序一

送張明謙適越序一首

送謝舍人赴朝廷序一

奉送泉州席使君赴任序一首

送李補闕歸少室養疾序一首

送耿拾遺歸朝廷序一首

送宋拾遺赴朝廷序一首

送趙晏歸江東序

于邵

四官擢天府一枝之秀，居卜二年而先其文章用譽聲馳

一作寰海內行循疑作以不正為人言故王公卿士願見願

以以座右抱以上檜結平生之至驪聽傳習之餘

然而風靡矣自隨牒具六楚諸府交辟有車麟麟無一日

止故驟遷於維荆仍假治書亦既達矣今上觀兵鳳翔

之歲公以錫貢會于闕庭舉朝廷首以望真拜屬多難之

蒼黃易誣斬馬未聞於去佞弘羊且偏於用法是有流

沙之譴不及旬日至下五原大戎合圍我在堅壁以功復

為詞曹外掾雖雷雨作解而風塵未厭流離辛苦又屈乎

漢陽雲天路長骨肉為念將欲出三峽浮二江漸達於吳

昌接行鴈於舊地問柏魚之他日蓋生死骨肉之會豈勝

言哉大寒之歲衆木皆死相彼松柏雖復小凋而貞心勁

節不改柯易葉實君子之大端也若此既別不知其他

送賈九歸魯水序

前人

賈生深於義者也又能保和天資強學不倦甘禦寇之難
 變處原憲之非病行於一作林泉蓋數周矣實沉之會責
 然來思南郭之下言尋舊好顧州縣而不為道屈齊得失
 而戒茲福利實君子之大端也知我者鮮謂予知之朝夕
 之驩經時不去式歌且賦嘗至于夜分不知天下之秋寒
 然而至詠采薇以獨往始班荆而送別南指蜀路江山四
 蔽苟吾道之可存居鳴水而何陋是為不侵不叛之志以
 以長處約矣乃知全謀決策可以遠馭青溪白雲時
 興二三子豈知樂在其中乎出郊之時論別而已

送從叔南遊序

前人

父乃相國東海公猶子之慶裔今少師郢國公外主父
 之介弟也生於台庭長於儒門脩先王之典禮操作者之
 文律斯亦叔父立身之道弘矣屬時艱難流離辛苦田園
 蕪沒族黨淪謝斯又叔父厚生之道窮矣三十年間為東
 西人豈無常科亦有世路道之不由吾其與也得非恢達
 自是處之無悶耶况郭公和義以仁如存展敬居常館給
 不度以年因得造寢席問起居不敢墜睦親之禮久矣夫
 不羈之才若不繫之舟不然則何以泛其流而析其滯歟
 既而將登商顏尋綺季翼儲之顯晦進浮滄浪追漁父遁
 代之始終或經九疑或入五嶺探靈感廣異聞崇朝命駕
 來告于邁不擇者結遐方之離思所賀者從諸侯之勝遊

敬奉觴以祖較遂贈言於慎夏云

送從舅赴陽翟序

前人

昔者秦賦渭陽之詩蓋孟公子三字一作君子之出租也綿歷千

祀頌聲不泯幼失慈愛於斯為苦未嘗不廢卷撫膺書紳

自勉以為罔極之報祭在如存之禮不其然歟自幽燕稱

亂伊洛內覆爰我舅黨舉族東遷柘室無祀名園何在永

懷展敬渴日無緣叔舅十年過江三命作吏慶垂必復休

有令聞使車斯來輒不自意陽翟駿選天書寵光思同書

遊有日矣伯舅京劇先鳴局由借往小子江華罷守未離

繫滯拮途惜別卜勝初筵當獻感之方秦對上林之晴雪

與州景晏欲罷不能則叔舅之慈惠鍾於我也良可知矣

名于以在我况清白以世業留遺貞幹以天資自許鴻

錄之駭豎審可期懇無酷似拜命之辱叙離道念庸不喻

乎司勳員外郎鄭一作程昌締邵同等也實為首唱其或繼

之者則以多為貴爾

送楊侯南遊序

前人

弘農楊侯世以文藝登甲乙科而侯克構前列烈復脩儒行

升高作賦正始言詩期于拾青今也被褐蓋未遇云爾桂

林之遊我何憂哉在幕則副使韋公存乎舊判官韋公置

乎客其外則韓萬州為知舊則侯不孤客則侯有已知則


侯可遊予亦子之舊也見其來則撫之愛則樂之命諸子

文苑英華 卷三十一
以同之其他則不如二三子之強大嘗所媿焉忽有餘興
言將南邁尋桂江之遠近度疑山之險易適諸侯之管被
三越之圖並蒼梧以右轉觀象地之發跡亦何謝泛五湖
探禹穴而暢其孤憤哉扁舟一葉風濤千里於所適復何
危乎吾當俟子於壽星之會而復祗命所在念此無忽爾
元之元季夏之望河南于邵詞

送庠狄縱入蜀序

前人

夫以禮樂爲用檢身若不及者嘗聞其語矣今見庠狄子
雅而有之况心氣爽練尤於妙理原憲非病黥婁自安活
之哉吾待價也漢陽之未人食如玉有妻子以宜家無
鵝以糊口余承艱否又不能救夏四月告余以行



興詠處之於代則詩人之選也邵故東西南北願與脩好
從可知矣始至之日贊見于我府公府公答之以密禮亦
既館給終然宴私高枕延國士之風開門多長者之轍義
非苟合道不虛行叩清徵而况我知音執禮容而許我先
達歡與老夫接辱與胤美華作子遊風雨如晦孰云其已
而一作西北走長安萬里帝王居治所也賢關啓鑰哲匠見
焉鵬搏鳳翥造次於是彼美因卿在斯一舉餘勇可賈矧
爾殷中瀟湘悠悠鄢郢阻脩商峴衡疑白雲間之卷山臨
水楚人之重別也人涉印石衛詩之歎異也雖欲勿歎得
無歎乎

送陳秀才序

前人

秀才以我府公有元昆同官之舊邂逅不見于今三年故
不遠數千里泝瀟湘踰零桂而循來上謁府公府公嘉是
來也館有加籩之餼讌有承筐之禮上下文好州人悅之
既而盈卷新文惠予佳句艤舟將往咨我緒言夫閉門循
來者遷客之心也窮巷迂轍者達士之情也以達士之
也眷率遷客不腆之作雖處憂危得無承一作乎多謝之
仁行美自愛

送冷秀才東歸序

前人

昔泰卿賦多與太學英達爲之遊二十年間學者逃難石
渠遂閉鼓篋無聞近三四年復與士合每歲以故事選賢
而流頌聲則江寧冷侯由此擢秀今之與比前或少雙是
以朝宗文當代秉義者蓋嚮風矣不復相鄙愚無間然
爲田蘇之遊不負金石之契亦旣多矣吳會之地慈親
倚門冷侯言歸心切攸徃白鴈初過清冥轉高駕言東遊
雲雨惜別邵亦是日理裝也始同末異恰此岐路冷侯深
於詩也祕監常公叙焉其爲歌詩以出餞皆漢廷顯達士
林精妙各附爵里爲一時之榮邵何言哉况別而已

送實秀才序

前人

曩歲泰西掖舍人與秀才世同官遊朝赴玉墀夕下金闕
于今二十年矣今復左遷僻地羈旅信安不期東遊邂逅
相遇而能倍信年下禮論舊加敬實高標雅裁爲邦家
之光故懷袖雄文予得興詠長途逸足予將企望而殿中

侍御史范陽盧公聿來監州持我文柄解簡書之畏嘗翰
林主人來者欲德挹之不竭嘯歌攸同迨茲中冬將盡厚
意不虞作別况予之與名輩者乎如何選一作撰舟告我行
邁羅郭之下穀川可厲枯桑穢而不知有風暮天曛而且
欲飛雪此時以長年其悲懷哉曷日相會哉

送蔡秀才序

前人

蔡氏之子曰虛舟以十月良月旅次於信安謂余老於文
者展後進之禮清晨來思贈余舊文凡數十篇與之討論
導以無倦蔡子乃盱衡而納焉夫如是則何患乎名不揚
道不行春官卿復將示諸掌乎批兮達兮亦以永日言飲
之酒時無間焉客非滯者遊有常者言告言歸明日遂行
也離俗春晚梅花始發言送山路蕭然兩寒四郊多虞舉
手千萬

送盛卿序

前人

老夫負累灸方僻處南館東阻高岸西臨通衢門寂寥
誰與爲晤數日之後而得比隣盛卿者睠道以閑處約以
靜詩禮日訓柴荆晝關嘗思急病之用載勤稽古之力每
接以三餘時復一見來不飲酒去無可欲儒之敬慎有如
此者春三月叩門告別且曰本劍中人也家於錢塘一入
桂林一作嶺十周星急漸走長安之道將尋吳會之事乘其
波流聊以自適僕老耆病老以愛以悒留之則難別又不

易子之不飲不可以斗酒崔歡我以窮途無得以東脩
贈執手分手傷如之何雲雨一散江山萬里東西南北其
有會乎遷客于邵贈言而已

送通上人之南海使赴上都序前人

通公釋門之秀者也生本達節出脩梵行表之以威儀文
之以外教始具戒于衡山之下瀟湘之間嘗以律人法雖
可住而相不可住是以杖飛錫入五嶺將遠一作舉於羅
浮尋跡於瓊靈為矯其因而集乎緣遊其方而廣乎志洪
惟通公之為心也其至矣夫繼復歷天柱訪爐峯背淮淝
即嵩穎翱翔乎中國以及乎上京上京聖君布政之所也
公觀夫宮闕則曷若西方之諸天公接彼龍象則曷若西
人之衆聖加以探密藏傳意味發揮象法啟迪來學在此
行也扁舟而南溟漲茫茫要荒積阻動千萬里歲月不之
計岐路不之悲曠哉釋子不可得而攀也

送鏡上人遊羅浮山序 前人

釋子一作之有出家猶儒門之務行道既得其道則思其
通過去諸佛以故能聖則出證於無生歸於等觀安可倪
乎有乘精於斯勤於斯乃至旋頂無苦剗身為樂赴湯蹈
火而不捨晝夜者是夫鏡公天縱明惠學究多聞誦詩三
百而言思無邪閱部十二而心義自了寄文章為語默任
施捨為行藏內脩為法律外言為秘苑予則不敏人皆仰
之前年皆一作自瀟湘登岳嶺大人君子延方丈之室與

論實相下士齊人奉次第之食為說皆空習靜而外郭東

安得朋而西山有寺青蓮宮裏日月宵中雖法侶常遊而

吾儕不問嘗憶浮山是蓬萊一作島浮來與羅峰合秀班房

瑤臺一作室七十有二松閣一作樓千百其數麻姑舞鳳

之地葛仙蟬蛻之所將欲導殊勝廣異聞銳公此行天下

莫二矣十月良月晴天愛景密葉彌茂繁花不寒群山壁

立而合杏百巒長江海連而澎湃萬里搜奇索異可駐行

舟懷哉勝遊不愧相送迨春之冰泮期我於別峴之間乎

送朱秀才歸上都序

前人

嘗喜南中之遇墨客者甚矣今又得會稽朱因卿馬序而

字之蓋羨之爾况其學也博其志也精凡作為篇章皆可

鍾江南地暖於景度短急張帆便風猶可及遠蔡子其將

邁乎常山公于邵叙別

送朱拾遺序

顧况

楚天暮秋衰草多霜我送朱兄置酒寒塘他方有遺名之

人語出世之事音我一作者成一作大師居此耶離方丈之室以虛

空量納諸群有為法而來難於酬對兄辯才者精於語默

雪山有草可生醍醐上賢不自豐故貧也上智不任數故

樂也言出以機在心為咎故慎也和平發中金玉鏗鏘如

秋水之溢塘殊不知長松倚空遠鶴孤唳如一有兄也朱字

乃畫水水中不斷以道觀人人何有別何山不可以為家

何水不可以泛舟我送朱兄心一作子亂流土明不在諫故

字諫臣在瀾漫之道

陪江西李大夫東湖賦詩送宣武軍趙判官還使

序

前人

相國大司徒統戎十汴汴之介者有長嶽廣額乘邊四方
交驩諸侯以利君實我大夫待以加等問其所欲蓋相國
於其君義疎而後有誠誠存而後有別此敬相國而及子
其告復乃賦平字之什以龍之春秋之義凡君子之嘉一
善接一士皆欲有所用必相其宜而比之昔代之阿郵燕
侵河上晏相之薦穰苴文能附衆武能威敵果却燕晉之
師

送常處士適東陽序

前人

詩王在淵蘭在深林士不定方而處東陽佳地樓上隱侯
之八詠溪中康樂之贈蒼生翺翔若復故都會予放逐
相逢姑蔑之山所裁新詩婉而有意凡遊山水皆無卷軸
復無幽人剪手一何異飛鳥一翼行車隻輪眼界孤矣於
疑作言自證以賦處士乎哉

送張鳴謙適越序

前人

晉司空十四代梁尚書左僕射績武代孫曰鳴謙問行於
我我對曰廼祖蹈道隱黃鶴山乃先敦德隱朝陽山今子
洽聞繼脩先好是一門而二隱矣臺仲之處也雲翔冥廓
亦復何礙又將嫁于四方余常適越東至剡南登天姥天
姥而西即東陽太末姑蔑之地盤桓于弋陽其山霞錦其

水紺碧其為好。其草芳葩。奪人眼睛。猶未麗也。仙人遊
在其上。可以汰神。可以建文。可以接子。獨不見錯誅而
樂乎。感隙之末光。事塗龜之修齡。觀萬化之始終。道
日處其厚。不處其薄。夫六之事。亦從此逝矣。適人之適
孰與自適其適乎。

送謝舍人赴朝廷序

梁肅見集本

初公以文似相。如得盛名於天下。大曆再屆。獻納俄典。書
命時人。謂公視三事大夫。猶寸步耳。爾來六七年。同登掖
垣者。已迭操國柄。而公方自廬陵守入。副九卿。器大舉遲
不其然歟。前史稱漢文帝對賈生語。至夜半。且有不早見
之歎。知公才為國華。識與道并。當欽明文思之日。繼宣室
論席之事。必將敷陳。至論超履。右職使賢能者。勸彼棘
竹。刑豈君子淹心之地。予亦既撰吉。晉陵主人於夫子有
中朝班列之舊。是日惜歡會不足。乃用觴豆宴酬。以將其
厚意。意又不足。則陳詩贈之。屬而和者。凡十有一。小子
適受東觀之命。從公後。塵行有日矣。存乎辭者。祇以道詩
人之意而已。至於瞻望不及之思。不敢自序云。

奉送泉州席

集作石

使君赴任序 前人

使君至德。初以一命領太原尉。俄歷御史。參三司軍事。所
從之主。則李侍中。王黃門。其人當時議者。謂於音上。騰非
決起所及。展轉祿仕三十餘年。乃以宰邑功次。除晉安守。
其恬於名利。如是。體命者歟。後時然乎。傳稱士任重而

遠惟先尚書文公茂德盛名光乎集作前朝吾子淑慎其

身何伯父覆露銀章卓蓋秩二千石方將布王澤以牧聞

人得不謂重且遠乎行當變餘善之俗使至齊魯然後祗

承優命超處蕃閫集作迺其盛也七月之吉火雲在天征

車徂東瞻望不及所當慎者殘暑而已豈以遠道為戒哉

操札一作如之何序以道意

送李補闕歸少室養疾序 前人

昔司馬相如當漢六葉為言語侍從之臣今天子用人文

化成亦以君有相如之才擢居諫職且掌宸翰賦頌書奏

繁然同風夫君子之道與命與時三者并則不期集作達

而達不然則或鼓或罷或塞或通是以長卿屢去其官而

亦以疾退息各其時也君曩時集作祭夏圭集作頌比干

射虎其詞最盛如夏雲秋濤集作化騰湧蔚乎當代學者

謂之及夫朝夕論思上尤所器集作共故乞身之表七上而後

賜告有以見聖王之愛才也夫賢者境不靜則神不怡身

不安則疾不去故夫子暨游江湖樂其靜也復還少室就

其安也易傳稱養正則吉矧夫集作氣甚和志甚邁與愈瞻而

未集作竭是行也方憇于雲林之中陶然自養以餌浩

氣然後階集作浮雲翼疾風登紫垣步清漢當此時無妄

之疾抑自去不暇安肯住於遊廬集作間哉始君未為近

臣時論有積薪之歎及其造退朝廷厚優賢之禮今也于

歸君子賦考槃之詩此數者足以觀子之義不可以不序

送耿拾遺歸朝廷序

前人

國家方偃武事行文道命有司修圖籍三字集作條祕圖籍且慮有
 闕文遺編逸詩墜禮分命史臣未之天下若汲冢墓陵山
 穴之徒必從而搜焉拾遺耿君於是乎擁輕軒奉明詔有
 江湖之役亦勉已事將復命闕下七月乙未改轅而西將
 朝夕論思左右帝宸用廣夫天祿石渠之籍託風求集作於
 吟咏情性之作當堯舜之聰明魏丙之謨猷以拾遺之才
 之美其翰飛遠邇不可度已衆君子蓋將賀不暇彼吳秦
 離別於我何有作者之志小子承命而序之

送朱拾遺赴朝廷序

前人

將以道莅天下先命大臣舉有道以備司諫故朱君長
 通有拾遺之拜時議以為明天子在上百僚奉職於下化
 既成矣而猶廣獻納以通諷諭聖人之心其至矣初長通
 以比興之文名震翰林又以玄遠之致升聞天朝其靜也
 眄滄海以遂志其動也披白雲以受詔吳中賢士大夫相
 賀不暇長通方移疾餌藥不出東山者三年或曰以君之
 才之識宜行而止宜語而默且君命召其可以文乎由是
 不俟駕亦不敢言病獻歲之吉涉江而西夫冥息以弘道
 由道以致遠位在乎忠道在乎辭蓋拾遺之志如此彼雖
 別之難秦吳之遠前期之不易皆付之樽中焉也又曷足
 置於心曾聞群賢於是乎酒酣歌詩以代雜珮之贈

文苑英華卷第七百二十五

送

文苑英華卷第七百二十六

餞送九

送竇拾遺赴朝廷序一首

送常拾遺歸嵩陽舊居序一首

奉送劉侍御赴上都序一首

送周司直赴太原序一首

送前長水裴少府歸海陵序一首

送皇甫七赴廣州序一首

送張三十二昆季西上序一首

送鄭子華之東陽序一首

送靈沼上人遊壽陽序一首

序二十八

送沙門鑿厖上人歸越序一首

送皇甫尊師歸吳興卞山序一首

送元錫赴舉序一首 送薛評事還晉州序

送袁校書歸秘書省序一首

送崔副使歸洪州幕府序一首

送常十六進士及第後歸東序一首

送盧端公歸巴陵兼往江夏謁大夫序一首

送盧端公歸恒州序一首

送盧侍御赴王令公墓序一首

送竇拾遺赴朝廷序

梁肅

至哉聖人在穆清之中注意左右獻納之臣於是扶風

遺易直作遺直由華陰令擢拜左拾遺詔下之日士大

夫相見而喜曰遺直舉矣直道其行乎頃之會國家舉風

力以變元氣闡文明以張四維上曰五諫寂寥七臣安在

由是獻可弼違者悚以奉職夫君亦朝服首然時然後行

七月初吉整車祀較安定果肅舉觴以祝曰夫有其道而

不得其位得集作有其位而不得其時昔人所以為歎也君

以懿文當百寮師師之盛履王臣蹇蹇之位行見夫束帶

彤墀之下高議明堂之側宣上德抒下情唯夫子集作天下是

望彼吟咏集作味風騷優游平勃之事又曷足為長者言耶

非歌詩無以見惜別之志不可以不賦

送常拾遺歸嵩陽舊居序

前人

高人出於華族冠冕處乎山林於士儀見之矣在魏周際
道遙常公語默之間全清淨之道間餘二百載之子以純
懿貞粹追烈祖之蹤一門清風獨集作光映今古可謂全美
也巳初士儀與孔君述眷同隱于嵩丘上嗣位舉逸民孔
以諫議大夫徵且調護太子乘輿還自漢中吾子方倘佯
於松桂之下鶴板入谷拜左拾遺固辭獻納之任遂有江
湖之適議者稱孔之兼善吾子之自得出處一轍消息同
符然後知刻意而高待時而動者俱失其道理矣楊州刺
史杜公蘊伊邵之望悅禽息之風士儀依仁游道幾歷寒
暑既浩然有歸思乃忽乎以將行予嘗同召諫官同被儒
服所不同者執李公之御與蹈穎陽之塵而已會脫輶轡
或碌碌久為躁靜之異乎
先書寄懷且以序衆君子考之之什

奉送劉侍御赴上都京

前人

才全者必幾於道志正

英華作大非

者必安於時初劉君以文

章游翰林深於文者以公幹越

石為比中歲有邁世志脫

畧纓并住江湖間論者又比之

阮始平陶元亮未幾詔掌

柱下方書出叅蜀漢軍事俄復自適其適道岷江浮湘潭

歷敷淺源而東君子謂君涉履所至擬司馬子長遂留滯

吳南以道自居其名益振其致愈遠向非才全志正又曷

由光茂如是乎今軒堯在上伊傳作輔方舉賢能以熙衆

職故劉君朝服賁然將如京師御史延陵包公祖而觴之

且曰易傳不云立誠以居業以
居可大之業當則智之時是也
也將賀不暇豈愴別乎二
三子尚未醉盍各賦詩以代
首集作命和者用古意皆以
百字成之凡七篇

送周司直赴太原序

前人

今年春上以副丞相鮑公領太
原尹假節主河東諸侯北
門宴閑夷夏是賴秋七月其部
從事大理司直周頌自廣
陵赴焉是宜後集作命禮也初
朝廷謂晉陽國家之豐沛
天下勁兵所處集作故以推轂之任付鮑公公謂三軍經
用仰淮湖之餽非仁智不足任
也故以泛舟之役咨司直
司直器畧宏遠文敏忠信夫文
則經遠集作敏則有功忠

乎不然時之與才何其參會也夫躡搏風之使者其翼
必大列構厦集作構厦之重者其材必廣頃鮑公由尚書郎
為韓侯之佐三四年間董戎于
藩穆如清風文武為憲以
司直之懿文碩畫翔集翰林之
上陵厲集作之勢不可度
已非光大而何士有不佞嘗辱
盛府之召之子干後我亦
集作載馳因賦思馬門一章蓋
取夫欲往從之路遠莫致
云爾

送前長水

集作安

裴少府

歸海陵序

前人

秋風木落臨水一望而集無遠
客之思多矣而裴侯復告
子將歸故國傷懷贈別之詩於
是乎作也夫道勝則遇物

而適文勝則緣情而美裴侯温粹在中英華發外既乘興
而至亦虛舟而還與夫泣窮途詠式微者不同日矣若悲
秋送遠之際宋玉之所以流歎也况吾儕乎

送皇甫七赴廣州序

前人

予同郡皇甫生庸清氣和敏學而文嘗纂家範數千言自
遠祖漢太尉晉玄晏先生以還明風世德煥耀篇錄生聿
修之志可觀矣予聞瓊璫在璞六砥礪等耳及夫琢而成
器則價重當世以吾子之質且小之不已名者公器其可
避乎鎮南杜公負佐世之才有無名於天下門閭之賓唯
吾子屬斯往也亦以赴知己而不善價吾儕贈之以詩蓋
勉行而已豈以遠道為戒乎唯自可以不破別愁衆君子不
可以不醉焉爾

送張三十昆季西上序

前人

恒衛大陸之間土厚風淳世生偉人其大名大節之後著
於天下唯張氏為盛曩予得其叔季曰芘曰苞始冠章甫
游翰林蓋相知矣而未深也間八九年又相遇於江淮間
則叔也秀才登科已知名於代季也立誠居業為後進之
表加以簡直強毅恭寬信敏文史足用施集作張不窮繼
吾所稱士風偉人蓋此也今年上求士於四方揚州牧扶
風公嘗得叔為門閭之賓因以充選議者謂扶風舉賢不
避親叔得舉不以私則其才可知也季屬文以氣為主以
經為師慕宗伯之賢從州黨之賦則其志可知也始大曆

未予應詔至京師時予伯氏以文德都絲綸之任博約之道於予最深絕絃之悲仰前修而未遠斷金之契於吾子而益厚別者集作若人所不免况予情乎凡道不合則信集作分不深言不盡則意不見序所以盡言而信道焉爾無金玉爾音焉

送鄭子華之東陽序

前人

鄭侯身甚否而意甚泰家愈貧而學愈富言政必及王言性必及道言文必及經而動不踰閑貞不絕俗年出三十其志未光抑有由哉夫風之行也則萬竅怒號時之止也不能動纖蟲士不用則塊爾而已遇則雲蒸雨隨是牽於時而不由於己鄭侯雖有洛陽傑作之才淹中之學其知時止何傳曰美惡周必復吾子困于艱脆星幾周矣或者其將復乎予材薄體弱曩遇晉陵守獨孤公方執文柄為當世集作時律度見視有終日不違之歎公既問服予將絕絃寢門街悲適覩吾子子即晉陵之出也一見而觀其禮再見而同其志志同而忘其言悲歎兩集而不知其止邇來蓋一紀矣詩人賦繁霜之月予滯于吳子游東陽當逆旅之次送乘桴之士命旨酒登高樓酣歌氣振人莫知者夫物不可以終聚必受之以散離會不紀何用文焉集作為既而叙行且以見志

送靈沼上人遊壽陽序

前人

上人形就而心和行獨而志潔辱與僕游殆三十年矣初

用文合晚以道交淡而文文而敬他人未有知也集作未

今年春予有幽憂之疾謁長桑氏于東南上人以無住為

樂將邁乎壽陽相待形骸之外相忘江湖之上比夫世間

重事者不同日矣彼都人士高陽許生孟容開封鄭侯通

誠皆於上人有忘言之契相集作想與夫二者道舊之暇必

荷錫而游問小山叢桂何在濠上鯿魚樂否予至東越亦

訪支許故事歸而於虎丘之精廬先出後期以志少別云

爾

送沙門鑒虛上人歸越序 前人

至人不在方實相無所住此沙門鑒虛所以順理而隨世

也適遊皇都談天於重雲之殿今也于歸將休于沃州之

上集作無泛然則集作無無事獨與道俱遇物成不遷之論閑

吟有定後之作可謂遠也矣曩予師來集作東越業天台之

道追石門之游爾來已十數年長松飛泉寢集作寐吟想

送予于徃情如之何東南高僧有普門元浩予甚深之友

也相遇之際幸說鄙夫擾擾俗狀且當澡灌心垢再期於

無何之鄉

送皇甫尊師歸吳興下山序 前人

尊師以齊物為師抱神為事有年數矣外則質貌蒼古遺

是非於耳目內則冲氣浩然卷虛無於橐籥常誦道德上

下篇往來吳中諸山如浮雲獨鶴自適其適吾陋且遁迹

不暇又焉識其所以戊辰仲夏覲于山陰精舍于時方牧

追右軍許邁之期下走集有作壺丘禦寇之遇亦既合契於焉飽和百骸自理滓濁如洗先是師藏道書于下山之下留止未幾忽乎將行不受一毫之施且輕千里之別有以見無待之情矣予欲脫形神於鞅絆蹈方外之逸軌有志未就心焉集作馬火馳命養空而游相從於赤水之上師乎師乎斯言不苟也夫

送常十六進士及第後東歸序 前人

益都有司馬楊王遺風生嘗簿游西南覽其江山頗奮文辭歎蜀解嘲四子講德之式及夫秀士升貢有司處之以上第時輩歸之以高名飄飄然有排大風摩青天之勢今歲後四月謝諸朋游輕騎東出且以五綵之服拜慶于集庭闈榮哉孝乎是往也予嘗與生為五湖之游矣今則繫在柱下不能奮飛送歸如何為媿為羨大雅云敬慎威儀以近有德蓋雖有雜珮不如此詩輟而為好以志少別

安定梁肅序 前人

自三閭大夫作九歌於是有激楚之詞流於後世其音清越其氣淒厲吾友君貺者實能誦遺編吟逸韻所作詩歌楚風在焉初元之明年予與君貺兄洪俱叅淮南軍事屬河外塵起羽書狎至每沉迷簿領之際一見夫人清陽則煩襟洗如也又常愛其人也澹然其靜也曠然其適也泛然其德集作無不與也且從賓薦之禮以赴揚名之期又見

其志也秋氣云暮蕪城草衰亭臯一望烽戍滿日邊馬數
聲心驚不已感離別於茲日集作辰限鄉關於遠道孰曰有
情而不歎息傷時臨岐者得無詩乎

送薛評事還晉州序

符載

十八年秋七月余自潯陽來赴丞相府與評事始相值初
揖其風貌次聆其嘉話終覽其篇詠如遊三山入仙洞沉
深窈窕稍造異境烟霞草樹別有姿狀使人澹然忘歸也
夫詩之所主大者存諷刺備勸戒觀風俗之美惡細者眇
江山采雲物導性情之幽滯評事公之什才思凝遠高韻
孤枝躍出寥廓至于天池雲飛鶴去不可附近尚使名聲
播落晚歲不偶斯乃執文柄者之咎也薛生何有哉廣陵
擬鴈一吟一嘯自有遐趣亦足以開遊子顏也千里之別
勿復恨恨

送袁校書歸秘書省序

前人

國朝以進士擢第為入官者千仞之梯以蘭臺校書為黃
綬者九品之英其有折桂枝坐芸閣非名聲衰落體命軼
軻一作河舛不十數歲公卿之府緩步而登之袁生富有春秋
挺豪健之姿心氣剛明端行美文余始見於海昏抵湓浦
西遊長安長安士大夫甚多之日者昌黎韓公尹京兆朗
鑒之下應鄉賦浩浩千輩生為甲冠繇是為聞秀才焉天
官侍郎以判銓調士生涉高級繇是授讐校之官焉於戲

人之生也患詞不脩誠不立苟進取行已者盡併一作生
 也欲逃問望傲富貴其可得乎去年秋有休澣之請來觀
 于伯兄展禮于亞相棣萼增輝辯之盛賓主得厭厭之樂
 道光事備青春北歸柳出一作出帝里蘭芳省署嘯侶持觴
 吟弄風月一作烟藉藉當年為樂如何走以嘉禮一來江夏
 相值於諸侯之館因得與群彥賦祖行詩實亦從此旋歸
 舊隱偶長松老鶴為度時之適豈復以華髮為肺一作腸
 之慮哉中朝珪組一作璋君子太半皆匡廬之舊間隔久矣
 為余揖其休暢也

送崔副使歸洪州幕府序

前人

今四方諸侯裂玉土荷天爵開蓮花之府者凡五十餘鎮
 以禮義相推以賓佐相高長城巨防懸在一士苟人非
 彥彥延納失所雖地方千里財富百倍一作萬有識君子咸
 舉手而指之我主君常侍李君以南昌軍倅辟于崔君真
 得賢也崔君名稅字公約天質方厚氣色淳重有端正之
 行業有操斷一作切之利用柔則水順剛乃山峙工文章善
 笑譁一作談言語飲酒可百觴交朋好與遊者如攀瓊枝坐
 瑤圃油然竟日而不知厭也始以貞幹調補義興尉叅河
 南府軍事割而不細曠而能斷蹤跡清直風聲鬱然是知
 動公卿之顧走群府之激士林籍籍有自來矣十六年冬
 自洛陽抵襄州歷江夏將祇承本府之命大夫何公上才
 碩望作鎮茲地十四年矣急才愛士與飢渴等每賓客至

登膺門下陳榻者輒損折威重降就禮數歡愉周旋襟期
洞開况與常侍交分重立山疆場連風烟見我從事暫如
會面不得不留連續縈以道平生之意乎繇是窮勝賞酬

一作極

宴醪景無徒盡花不浪發江夏郡東有黃鶴山山

頭施大雲精舍穎師竹院惟一師茶圃又有東城石壁壁
前有桃李樹千株澤國多雨芳華久困適值寒食前後天
野晴明衆花齊發火然雪白是日也或啜九釵之跳躍鄰
絲桐之嘈贊大夫乃戒徒御挈琴酒相與屢遊乎其間遺
石而坐觸陰而息雅杯徐行微微春風好鳥一聲為我笙
鏞往復如此彌旬累晝皆所以竭主人之志盡公約之歡
也明發理棹黯然愁慕南浦悠悠別如之何於戲古人云
不及恨恨正在於此耳公約得不思之乎得不念之乎
展布才力好輔君子以成賓主之美乃所望也副相視事
久困倦劇未能操觚抒思故小生敢於叙述冠于首章不
知慙忤之無從也請咸賦春中一物為道路之志

送盧端公歸巴陵兼往江夏謁何大夫序 前人

已卯歲主君以清淨之理治洪州之二年也侍御史盧公
自江夏展禮于我來之日至往之日凡甲子四焉享勞相
駮憊然不足即客之重輕可知也將行主人賦五言詩一
首韻諧金石光籠道路亦命酬和璨如編玉顧謂部從事
符載序而導之云端公名泰卿師字成業有當世才幹堪

常磊落不榮苛細工爲之能讀三思六韻觀其繁論指畫
規模宏拔真卓然之士也中歲輟朝甯逐江湖萍泛雲
二十餘年常侍於公有松栢之心有管鮑之知故再遊
一以至鍾陵相望益重相歡逾劇方翻驂騑之足餽鵬
一翻電發千里風生九霄竟止於實其裝橐而已哉善
塞有時難與命言悠悠北歸悵望如何山有木工則度之
常時而語矣况在其封域焉載知副相必起羸發困結
賢傑延於參畫之地寧使涉洞庭波視木葉落歸守蓬戶
飢餓旦夕哉勉矣風水唯當痛飲醉高秋之別

送盧端公歸恒州序

前人

今天子纘嗣鴻業也雨露霽然沈濯八荒藩隅安謐交修
是以侍御史盧君奉本府司空王公之命以乘馬玉
帛展禮于我焉夫使之來也擁萬里之傳結四隣之歡大
或議兵食細即道欵曲重輕之齊懸於俯仰非才人快士
之選即何以當之端公少而能斷壯而宏遠練時務之畫
負豪爽之聲始至也其氣直而肅其詞遜而婉其儀恭而
和折旋應對雅會機要我太守公悅而延坐與語目爲雋
異顏色禮數橫加其間可謂賓之秀發者也繇是先太師
之意達賢司空之禮備曾襟之志也展賓主之好也深則
皇華之美盡在此矣亦何必誦詩三百然後爲得乎太師
南康公作坤維之梁柱二十三年矣大勳大德播塞宇中
藻籍今古迥無其曹明司空英姿粹氣授於天造忠厚

文苑英華 卷五百
烈繼芳前休異日也合德同心翊戴是思勤於王家康
民庶小子見史臣載事之筆濡翰流離之不暇也實近
司空抃手而遙知端公徘徊此地久而彌暢太尉嚴館
吏厚餼具牢作米禾芻薪亦如之唯恐其超然道別也
公感惜恩貸屢殉征駕自去歲之鑿水至今歲之流火
遂其行焉蟬鳴嘒嘒涼飈欲動繚繞長路愁懷若何九
十月之交想端公下太行抵常山停車騎拂霜雪嚴城
開矛戟如林復命于雙旌之下赫然有光也主君以重
之命下介引而叙之抽毫之際臨深履薄之不啻也感
四韻以代雜珮之贈焉

送盧侍御史赴王令公墓序

前人

世仰全檢劑從容溫謹之地齷齪之士也跨時俗尚奇
情抗志風雲之表從橫之才也監察御史范陽盧公神宇
空峙襟靈爽拔脫苛細於塵垢得豪雋於意氣義分形於
造次才畫充於懷抱邁跡遐逸與人無倫年未弱冠爲鄆
陽尉目事必割間無留刃勢掩曹輩快聲騰馳江西伯常
侍鮑公祭酒李公寵以賓介之目授以叢劇之務政或闕
漏我能補焉無幾何馳車遠遊北至恒冀聞以利計于司
徒王公司徒器之開深沉之懷垂沛然之愛歡則膠固義
存諷諭故能不四五年始自黃綬歷延評司直冠惠文冠
御史雖取恩知已實自躡青雲之梯也况年纔黑髮采色
照地奮于名跡其心嶷嶷則氣高五白之傳室有千金之

數直大夫豪達之事豈足累隘日一作之祖耶一作扁舟

南行次廬陵郡下適值侍御將歸華幕幸接便道為共

之遊話酣意密一作察一作備取賢主君之盛業歡喜失次若

所從因輒以狂瞽私自忖度以為人生於世其公者極

烈銘鼎彝休聲巍巍垂之無窮其私者富貴壽考而已矣

今今公功德格皇天忠義貫古人地方數千里甲兵十餘

萬身為上公壽方無疆英英三子殷如川瀆尚書以寬厚

保師旅大夫以沉毅威暴亂都尉以才智承恩澤一門雄

雄洪業所鍾生人之美盡於斯一作矣成天下之務者特

也射萬世之利者勢也若當此時抗雙旌驅四牡星馳

陞對敷休命彼燕趙東平之諸侯耻不若也皆執玉帛

備禮使純誠動鬼神之感光耀增日月之輝君臣之

和穆皇皇則史冊之美又盡於此矣夫何大戎之瑣細而

敢為大國之患難紆令公之思慮哉侍御犀額鸞額骨狀

甚貴懸知是行也必能露丹懇騁飛辨大陳明義以酬國

恩一作山中異日偶承來問聞侍御褒衣結綬從公于北

關之下明天子以卿大夫印綬加之不可得而讓也窮秋

棄脫馬號霜勁矣行道開襟下帆鍾陵衆君子注章偉士

英華照爛美侍御之所從也樂請抒詩什以貺之載儒夫

也醕腸二字所謂以附于叙末

送安南裴中丞序一首
奉送黔中元中丞赴本道序一首
宣城送黎山人歸滁上琅琊山居序一首
奉送良郢上人遊羅浮山序一首
奉送裴二十一兄閣老中丞赴黔中序一首
送安南裴中丞序一首
奉送黔中元中丞赴本道序一首

文苑英華卷第七百二十七

序二十九

餞送十

夏日盧大夫席送敬侍御之南海序一首
鍾陵夏中送裴判官歸浙四序一首
潯陽歲暮送徐十九景威潯潞府序一首
荊州與楊衡說舊因送道昭越序一首
宣城送黎山人歸滁上琅琊山居序一首
奉送良郢上人遊羅浮山序一首
奉送裴二十一兄閣老中丞赴黔中序一首
送安南裴中丞序一首
奉送黔中元中丞赴本道序一首

送水部許員外之守西州序一首

送建州趙使君序一首

送循州賈使君赴任序一首

送歙州陸使君員外赴任序一首

夏日盧大夫席送敬侍御之南海序 符載

今天下司王職之官官立帥帥之屬制置滋久繁冗日甚
二年春皇帝以易簡之道大黜冗吏詔近臣冠惠文冠者
四人分行郡國以權之所至之邦刀布粟帛有廢供給辦
二千六百石得自考課殿最以聞朝廷重其寄能其人以
監察御史敬公清明上才克荷斯任故自黔中距于南海

意得而董之夏四月辛巳至于江夏六月丁酉馳干嶺橋
管連帥御史大夫盧公闢以高節羅以遠豆披文以修

之禮也先是侍御之至風威儀狡江湖颯馳如霜氣肅物
莫不震惕我大夫政有和裕賦無逋曠饗夕餼朝問候君
子有以見天王之臣行者以威重居者以恪敬也且國家
尚兵已來百萬軍食仰給黎庶者數年矣至於靡弊等劇
矣今群寇底定生人始泰如飢腸求骨易施饘粥是行也
軌大中扇皇風決滯冤察賢良使海隅蒼生沐浴汪濊者
正在於是豈獨責稽逋之賦乎小子濫以儒列廁末座大
夫欲卑賤者得申其志至猥而命之載久栖山林詞撲意
拙跪受簡牘伏用覲汗然各請賦一言一章頌皇皇之盛
也

鍾陵夏中送裴判官歸浙西序 前人

樹生人之求籠天下之利益鐵而已矣非剽犀切玉之器
操割利病之權務通泉貨上充天府下活人命則不得
君之國家委中丞李公以王賦之柄輕重之權實才授
去年春三月至于秋八月不雨閩中飢饉職司憂焉以豫
章江夏長沙諸郡地產瓌材且馮江湖將剡木為舟以濟
國儲乃命河東裴從事承檄擁傳與三諸侯圖之從事名
澁字瀾之風緒高華中和而深敬此文敏羽翼吏道始以
幹局為萬年尉中歲遠竄乎南徼曾恩澤下降李公聆其
才而辟之方今藩維大臣奉法謹人所至之邦朝令夕供
加以瀾之禮以持外誠以發內溫多可中無疵吝故方

此主瞻其顏色聽其聲氣略去形體相與懽愉酸筆之

下閭然事緝斯所謂賢士哉若人也與夫用威造勢者豈
同年而語耶眇眇千帆從風飛揚復命主人賓亦有光或
者云勤不報屈不伸余不信矣况我公於公揖珪璋之望
於私敦中外之愛感歎流落慨然盈懷即異日調和鼎鼐
掄材取士得不與中丞同力合謀也水國方夏白波無邊
檣鳥一動吟嘯千里主公知非文什無以紓一作離志奉
送將歸猥令首叙腆焉如缺但欲言鼓韶濩者之唱調耳
一作但欲為鼓唱
韶濩者之調耳

潯陽歲暮送徐十九景威遊潞府序 前人

道舊者同志之至歡乎送遠者有情之至悲乎二者激人

中腸我獨何謂鍾此懷抱始余與徐君識面余獨一言道
 合遂相顧攬載即亟往候太傅夫人起居他年余及楊即
 中借詣梓潼依李太傅生亦相從其於講道藝攻闕漏時
 上下鄴中諸山賦詩舉酒吟嘯風月每至忘形骸也爾後
 鳥飛雲散南北四去邈邈悠悠凡十餘年一昨余被命召
 為江西從事生乃枉道顧訪病劣不任罷歸潯陽生亦策
 馬相隨余有茅居一作屋在郡南西嶺下前有芙蓉菱芡後
 有高梧大竹家貧無他具日為徐君春黃梁爨園蔬鱸鱠
 數噐相顧下筋頽然蒼下快然偃仰至宵夜即燎薪火觴
 白酒引滿之際更語曩事襟期浩然如太古時人間萬累
 無非糖粃斯一何為樂之甚也徐君僑寓成都日久常欲
 挾持尊老歸家洛陽寒氣綿薄不與意會有澤潞從事尚
 書郎却君士美生之姑之子也長材端操敦好中外將自
 茲始裂裳而從之開顏未孰孰熟通用執袂相送歲暮風雪獨
 遊萬里會而寄書杳杳何期又一何愁慕之深也徐君方
 厚有志氣履行醇固善為文匿華用晦叩之乃應加以身
 長七尺聲如笙一作含簧能飲酒斗餘談語眇眇自有標韻
 所至之地方伯牧守泊賢士大夫莫不為子前席倒屣即
 士道其幾乎喪矣况山東望雄諸侯賢明舉才携雋樹勲
 當世豫章之幹寧遜於班輸之日乎厚自珍重無患知已
 崔君行先齊君照一作熙予之舊友也却君士美盧君頊予
 得之友人蕭易簡也此數君子皆以宏才賓畫幕中寒暑

推謝爲余問其無恙否耶復以是便代雙鯉

荊州與楊衡說舊因送遊南越序 前人

載弱年與北海王簡言隴西李元象泊中師高明會合于蜀四人相依然約爲友遂同詣青城山斬刈蓁蒿手樹屋宇俱務佐王之學初載未知書其所覽誦章句而已中題發明大體擊去疵雜誘我於䟽通廣博之地示我於精淳玄顯之際惔惔之道實有力焉無幾何共欲張聞見之路方乘扁舟沿三峽造潯陽廬山復營蓬居遂我遁棲二二子以道德相播以林壑相高精綜六籍翱翔百氏繇是聲

譽一作聲

殷上聲然爲江湖聞人居五六年載出廬岳歸蜀問

起居中師愛惜離思振衣相送沂九江歷楚抵梯歸而旋之際互修前志已巳歲自成都至中師自長安僑寓

荆州羈旅相依各被婚娶困于柴水去歲迄今山間荐臻王李二生相次殞零草堂無主雲林索寞鄉風長想不知滄之橫墜也噫青城匡廬岑嶽際天下有煙霞上有神仙緬懷曩昔逍遙其下背負素琴手持道書掬泉掃石吟嘯終畫一有是時年少無事費傲光景造適則止不知其他孰謂倏忽與中師啓煩襟期晦明一十二年于茲矣辭山林墮塵滓五變星霜矣歲月馳于外憂喜攻于內動非濟當世之務靜不庇環堵之宅泥塗碌碌視日旦暮未言念此厚用慙穢思欲攀石門之松桂宿靈溪之煙月可再得乎然踟度者多繫乎出處知幾者不滯于進取前年冬中

石門山

師聊整文思起嘗於禮闈間飛聲騰陵諫動公卿當疑作常
 伯翰教俯授高第雖不當素尚亦天路之鴻漸也世之繇
 此而進者必聯振六駟聿求昇菑苟有便捷一作躍登青
 冥十六七矣中師旅食淹恤內顧勤寔策馬南向慰其室
 家未幾而囊金中罄庖煙屢絕乘時蒸鑠將遊炎方又何
 其渡落也相國齊公挺鸞皇之儀爵經緯之暮新荷天寵
 鎮安越服執事行業明白且曰親舊或將脩假道之禮不
 為丁寧結約求以自輔乎重慎舟楫無畏遠道議者云五
 嶺風候加飡飯日舉醇酒數觴可以佐助正氣生其誌之

宣城送黎山人歸滁上瑯琊山居序 前人

有沃田有良耜土膏腴發凌春而耕之播種桂之種極耘
 之力其或七年旱九年水獲不登於秉度者此天時也
 非為農之不精也用聰明端思慮古先典籍鑽研而求之
 以道德為冕弁以仁義為組紱其名不光其位不及身尚
 嬰於貧賤者此人時也非為學之不至也山人誦堯舜之
 言服堯舜之行四十年矣髮毛班白龍鍾布褐得不曰命
 之水旱歟山人名復氣清骨植凡態不入揖讓應對甚有
 素士之風探願以知章居易以安貧立誠以守晦服勤以
 樹善始結茅於滁上有瑯琊山清泉白石羅在戶牖耕漁
 之暇時時開素卷飲濁醪以雲霞為賓友以林籟為簫管
 頽然竟歲不知其他須有好事者日抵其廬舍莫不叢口
 一意頌我中丞崔君之賢明山人聞風裹足於蓬戶齋心

於宣城手持短書候獻鈴閣中丞厚德如山愛敬士大夫
降千乘之嚴貴納縫掖之顛頓相與談話惠其氣色枯株
旱草霖霖膏雨嗟夫古人云國士遇我正在此耳何必位
感然後捐軀乎况復與其文藝之優瞻慨其羽毛之類弱
將欲借搏扶之力鴻漸之勢拔自泥滓化窮爲通黎君心
腸得不快然哉中丞下車日久政成俗阜倉廩實禮義立
府中清淨白晝無事遂甘心於賓客焉朱軒洞關四壁風
涼彈絃清歌絡繹行觴簪裾荷蕙陶然一醉居無何山人
有歸歎之興中丞乃抽妙思動高韻以大雅之什既之文
人幕客聯和瓊壁組繡鄙夫知到山之日猿鶴顧迎視有

喜色也嗚呼一作幽蘭生於大澤香薰芬馥過時不採於

矣去矣自愛謹候休問載卑客也才識短陋猥以叙述冠
于群什如處泰山之上兢惶惴恐之不暇也敢爲首乎

奉送良郢上人遊羅浮山序 前人

良郢法師多聞強學風表端淨拔乎出萃者也始童子剃
落轉持麈尾講仁王經白黑讚歎生希有想既進具酷自
砥礪加之以聰明迅發至於修多羅毗尼達麼書雜如是
若干種法上人悉知解以佛門言之文學則游夏也以法
將則韓彭也異日必能破魔軍闡玄風當來像教不墜於
地矣甲申歲夏六月二十七日車長沙之三年也余自
故山扁舟一葉主人舍我于東館師荷蒼策策惠然相

始見其青蓮眼目水田衣裳其心則懽如也次聞縱論雲湧波委甚嚴如也居累日報余以羅浮之行雲心不定欲引去噫沙門釋子棄捐萬慮撻三衣鉢乞食自給晦迹聚落朝行亂山心冥境界何樂如此悲夫塵勞之士被名利溺愛縛區區于尋尺之內寧復拱懷於方外之游哉常聞說者云有蓬萊一島浮至與羅山合并因命曰羅浮風煙草樹木有異態余未嘗踐履其心技癢師到日為我殷勤手跡寄北來擅越也

奉送裴二十一兄閣老中丞赴黔中序 權德輿

裴兄居諫大夫五年休問籍甚其於匪躬擬古切劘獻替掖垣衆君子徒見其拜章伏閣而莫知其所以言者然則

能與六官二職之缺群情屬目俟其授受久矣壬子詔書有黔巫長帥之拜秩於清憲褒以命服周行諸公以為一方之宰且惜其去而未喻也及夫別殿前席沃心交感重藩符之所付慮安集之不稱凡所以輟近臣惠遠人之旨織悉備厚上許周且之代兄求三歲之理又以見首公急病而忘其勤遠淹卹然後諸公知惜別為細而感恩為大在此行矣自牂牁見後漢志唐文多用此二字亦或從生前漢及他書或以為牂牁也集用通道夜即置吏以示綏懷以安剽輕失其理則蕭然愁擾得其和則驩然感悅方略招徠繫於官師以兄之慈惠直信粹清蕪白為仁由已不改其度使大化淳流在明

洞開推人情以賦政便習俗而不擾彼四封集作境之內

熟得集作待濯如水走下史臣操簡以傳循吏使者急宣以

將徵命雖欲復三歲之言其可得乎未間則褰赤帷飲

酒晏晏言笑中無町畦雖鬱蒸霧雨之候無自而入矣

丈夫被薦紳影華纓弘宣職業無有遠邇則嚮之玉堂

禁論思侍從與今之龍節前導金龜映組皆所以事君也

豈有中外之異耶祖較霑醉宣言相勉在加餐寓書而已

至若山川風物與騷離瞻望之歎皆備於詩人所賦故不

再書集作茲不書

送安南裴中丞序

前人

士君子循道致用感恩宣力則萬里如咫尺集作滇波

况金印照路熊車伏軾集作伏能載軾提封甚闊命賜甚厚

此裴侯所以作笑就道祝交州如衡軛之前則天時之瘴

熟地里之回遠皆細故也初裴侯夷退燕息未嘗角逐於

有司且曰不試則已豈能自售其後累以惠文法冠為戎

輅上介甫登中臺旋鎮南服蓋純鋼百汰不得自閑於匣

中明矣今天子惠茲元元邁唐虞之風鄙夫司言九年玷

辱清途集作近顧不能裁成暮訓著一代典法耗竭蚩鄙為

明時羞思得上分憂歎下布條職使四封之內列郡和洽

斯亦大丈夫之事也因君是行聊復起予追思往歲携手

相樂與蘭陵蕭元植范陽盧載初官遊出處多在江介索

然物故何可勝言又想夫楊柳古灣秣陵仁祠寒夜促膝

文苑英華 卷三百零七 九 三

歡言舉酒晦明颺馳忽二十年各乘風波時一會合今日
出祖話別在加食自愛而已至若馬文淵集作之功略士

威彥三國志士燮字威彥為交之教化臊集作俗裔人納

諸掌握明珠文犀視同涕唾皆裴侯毅中所畜也不復煩

言

奉送黔中元中丞赴本道序 前人

中丞頃持邦憲靈襟集作坦蕩中立不倚公輔之望懸於

人心者久矣大方夷道且無町畦持刀筆者忤害為獄故

前年有餘杭之命左遷也大君端拱穆清深恤人隱慮遠

黎之未集作康擇可以富集作教之者以餘杭風政表課

第一故有持節黔中之拜天之愛人斯謂甚矣受命之日

走從戒行鄙人以使者之微假道于此屬當祖較辱在賓

筵敢宣言於集作執事曰夫蹈全德者事無夷險播善政

者地無遐邇然則五溪之氓其將泰乎呂梁懸水尚在忠

信矧夫巴黔故地方鎮專達惠飫夷落興行禮讓然後翺

翔清朝羽儀百僚倚伏之數庸詎知不以此乎夫臨觴捧

袂愀然悽愴此兒女之仁也固壯夫耻之愚亦耻之引滿

舉白既醉而罷文則不腆蓋指事云

送水部許員外出守郢州序 前人

吏二千石與中臺即循良雋茂旋相為重在其推擇所切

而已故叔載以文術而居即位以吏理而分郡節時所重

難輒居選中其初已獻賦射策取甲科如地芥交諸侯之

難輒居選中其初已獻賦射策取甲科如地芥交諸侯之

聘車不輟鞅繇外臺察視入佐著作休聲日揚乃擢建禮
 與伯氏左曹萼附相鮮濟濟於公朝怡怡於閨門士君子
 永集作歌屬和以為榮觀昔郢中之客能為陽春白雪之
 曲泊梁水部即何遜文含清律重於江南今叔載有必類
 之詞比興溫雅其於宦遊宜乎與水曹而牧郢人也况漢
 南長帥風行列郡郡守清靜公庶遵詔條而已以叔載內
 平夷而外質重不佻不流佳言析理疊疊可復施於列藩
 如發矟投刃况得漢南之歡舊矣又何疑於報政邪大則
 以尤異微細猶轉遷劇部皦然前知不足為賀觴酒祖較
 姑以紓居者之愀愴云

送建州趙使君序

前人

趙侯者在京下十餘年祿甚薄而心甚泰操利權燿
 然可以順指變化者趙侯顧不游其津退然自得集作鄙
 夫識之曰斯可以為君子矣今茲以蘭臺郎滿歲佩二千
 石印綬受明天子而命牧茲建人為仁由已斯亦不細是
 邦為東閩劇地故相安平穆公嘗理焉穆公予之戴侯也
 故能言之當孝文避狄時巡之際移書四方詞義憤切密
 疏奔問請以州師赴蹈凡穆公所以彰大名操大政者皆
 建之為也趙侯於斯時實為從事賓擢虛左得之甚懼凡
 趙侯所以令聲籍甚四征交辟者由穆公發之也今日幢
 蓋昔時山川存問遺老婁京故事至止之日情何可言屬
 者狀徃行於考功易嘉名於博士斯亦士君子盡誠於所

文苑英華 卷一百一十五
奉其可誣耶頃予忝職西垣殆將十歲草列郡命過於百
數每發緘舍毫未嘗不惕然慎重以其四封之內性命所
繫故也或歎趙侯官尚屈而地頗遠予以爲不然昔孔門
諸生以蒲莒單父著稱况諸侯之貴乎東漢循吏以交趾
九真報政况建溪之邇乎則趙侯襖軾之間猛鷲飛伏勞
徠所及鰥孤樂康陟明善價如建瓴水雖欲勇退知止其
可得乎南轅計日祭輟即路白晝美景如歸故鄉行矣趙
侯當以書札爲念也

送循州買使君赴任序

前人

使君嘗以司直佐黔陽黔陽之政舉又以養善守寧夷寧
夷之人又乃今以周行慰薦詔領海豐天慈覆露無有遠
邇及夫書於循吏爲後法程則古人交趾九真之績與可
內頴川固何以異焉知今日麾蓋不爲使君南溟之變化
聊追思從兄秀才爲使君門閭之賓曩歲晤語備徵理行
捨族屬之凋落集作零益睽離之怛悵事可覆視言爲不誣
朱轡郡節三伏就路衆君子祖道或賦列爲一編延頸屈
指在徵書北轅而已

送歙州陸使君員外赴任序

前人

始予與公佐俱以圓冠褒衣息偃於江湖間練塘鏡溪樂
在雲水帥心自放相視莫逆其後則攻集作改過內訟知道
不遠人洗其心虛以順外逮三四集作四年又俱以法冠麤
車爲諸侯賓攝衣塵中與俗駕並馳間關道路離憂多而

文苑英華 卷七百二十八
歡言少七年詔書以禮官博士徵鄙夫於吳十六年以尚
書祠部徵公佐干越其間間闕忽焉十歲心期寓書常若
對面中朝大夫君子皆以推較爲已任未至如歎然亦既
觀止笑與拊會月未拜其麾幢在門繇是大夫之賢者士
之仁者皆惜其去以公佐有端操直質無巧言譎笑得之
自是不得自是故也今天子加恩元元慎重吏師則列郡
長人不輕於中都官明矣况宣城有賢長帥以蕪風俗新
安有佳山水以資勝踐爲仁由已賦祿且厚此皆不期集
斷至而至者然則表課陟明疾若傳置行當以尺一徵書
奪于集於 是邦邦人雖欲遮道借留末由也已又惡用今
日少別爲戚戚耶公佐畱神自愛以俟良會 卷終

文苑英華卷七百二十八

序三十

錢送十一

送崔端公赴江陵度支院序一首

送韋起居老舅假滿歸嵩陽舊居序一首

送崔二十三丈諭德承恩致仕東歸舊山序一首

送徐諮議假滿東歸序一首

送杜少尹閣老赴東都序一首

送許秘書赴江西使府序一首

月夜汎舟重送許秘書聯句序一首

送張校書歸湖南序一首

送陸校書赴秘書序一首

送薛十九文授將作主簿分司東都序一首

送許協律判官赴西川序一首

送嶺南常評事赴使序一首

送李十弟侍御赴嶺南序一首

送李十二弟侍御赴成都序一首

送李十兄判官赴黔中序一首

送商州崔判官序一首

送右龍武鄭錄事東遊序一首

送台州崔錄事丈赴官序一首

招隱寺上方送馬典設歸上都序一首

送睦州李司功赴任序一首

送常途馬少府赴任序一首

送義興袁少府赴官序一首

送崔端公赴江陵度支院序 權德輿

今年春上始命二小司徒主量入經買之節辨繇賦權筦之法皆內有郎吏外有從事多冠惠文冠分道將命督課郡國其或才軼群倫望重縉紳者惣二府之職而兼領之故執事有今茲南荆之命用能選也初執事以名聲文采爲士林所仰方退然深居於華陽僊府講道肄業恬曠自居諸公之辟日至山下且以道勝於內則出處不殊儒表昂然徐就知已及參摠世物更若劇職動成故事去如始至論文變則能窮損益之旨商賈利則能通輕重之權故


數年之間三踐憲司赤綬在服如褒博諸生榮之歲十
二月自鍾陵抵江陵驅車即路不憚米雪况騷楚遺韻
江遠目在此路也情如之何五言詩送別之始故自戴暉
川蕭王二柱史已降皆徵文賦遠字用五而詞多楚者以
地理所歷且行古之道也

送常起居老舅假滿歸嵩陽舊居序 前人

九年正月左史常公移疾既踰時左曹以聞得請當免遂
以角巾野服如東川舊山集有前此二字恐非中朝廷播集作紳先

生之徒車轂擊於通衢鯁酒交於竹林執其衣祛惜乎分
陰弦晦屢移其懼不厭或發於歌詠以將厚意外係權德
輿序而言曰大凡士之生世有二道焉其出也宣其功績

其利澤納忠服勞以服天下其處也味道之腴與古為
徒休影息跡以閑身世不如是者細則牽於利欲大則困
於得喪識真者羞之公之先扶陽始以丞相致仕為西漢
經典逍遙以安車不屈為北朝外臣至是左史又能伸其
志以弘其世嘉遯德風盛乎一門况吾君用大和理萬物
動者靜者各遂其方則陳力以致用潔身以弘教其利一
也故左史得以聰明為駢枝以名聲為纏繳無耗氣無焚
和退然葆真獨與道往鷗鳥不動家人忘貧是行也孛願
者知懼矣出車家林揮手青門擁途而祖者唯恐不及合
歡也忘印綬之輕重陳詩也無章句之約束放言無擇造
適則笑行觴無筭既醉而罷成彼是魯不得集無悽於



念慮之中而惠風閑雲飄拂左

用視聽無非大方推

集作排 是類而廣之則泛清伊跋嵩立又可知也小生無以

為贈謹序其所以然附于編集作

奉送崔二十三丈諭德承恩致仕東歸舊山序

前人

大易之言君子也有出處語默之異或有猷有為以宣事

功或不營集作不伎以順天理則陳力廟廟之上繫身集

於巖石之下皆其所也至於振風聲以助時化無乃處者

裕乎丈人燕居積四十年而天爵以爵合發至京師周月

而解巾致政之詔再下豈徒然哉初躬耕於延州三茅山

之趾安仁食力聲利不入心集作曠而體胖道義富而

濂肥閨門淑行流於鄉黨泊然而與白雲鷗鳥同其無事去

年春鶴書下江南江南守臣多方以起之至止之日褐衣

召見未受命而被以章紱既受命而待於宮朝循性蹈道

不遷於物抗章乞身詞直而明凡五上而後得請之詔下

寵秩優禮周行聳視上以為天下之本至重必資賢人以

奉三善故命職命官皆在於是及不得已而賜告也猶以

審諭道德處之不然者豈無他豐祿耶蓋尊元良以貞萬

國聖人之心也噫夫士能自審出處之宜而不惑者鮮矣

或圖集作於利欲四顧滿志或沒於黨類不能自還嚮非

強志峻節皦然清厲大圭不琢獨鶴無侶難乎哉追思曩

歲一踐巖逕蓋二集作十年矣徐話舊故有悲有歡唯冥

文苑英華 卷一百一十五
四
冥翰飛不可及已輕裝喜束心與道勝軟輪徐驅故山有
禪想夫草堂環合喬松千餘本交柯翳景吟泫風露幅巾
長謠偃放其間一氣不耗四支交暢清時外臣其樂如何
非仁聖不能全不奪之操非堅強集作明不能果獨往之志
惇史古風復行於今群公惜別飛蓋擁道如漢廷祖二疎
故事而類之以歌詩德興泝其心源也孰故斯言不忤

送徐諮議假蒲東歸序

前人

徐生用經術歷太學太常二博士諮議于王門徊翔于天
朝褒衣赤紱官品第五移疾請告歸息于讓王之舊鄉其
進也量力其退也脩性斯可嘉矣國朝禮文酌損三代最
為詳正生所洽通而又采獲古今亡於禮之禮者考論續

今雖有條貫故顧居守夷仲徐左曹元封今歸侯公和旨
深知之生喟然曰州閭達者凋落大半吾過懸車數歲已
為壽班在下大夫不云賤况天爵貴於纓冕田廬樂於都
邑思雲卧水宿食稻與漁則華棖列拆不如是之適賈勇
於退不能留行可以言賀胡為愴別鄙夫嘗游息三吳間
殆二十年每耳聞水國如話鄉黨則徐生亦吾之僑舊也
可忘情耶商皓遠矣以不才者處之退朝隱几幸類休沐
江海之思油然而生適因送歸愛此行色時歲在再去異
稊無幾何多疾早衰筋骸日耗乞身自便雖未敢言涉江
而南聊寄夢想秋九月太子賓客權德輿序

送杜少尹閣老赴東都序

前人

叔通之於文學政事若雄鋌百練窾卻中節比年二字集作頃

由東曹郎給事黃門俄以中執法守上洛得幹支郡視方

任焉乃集作及今臣尹洛師實顯府政冬十月至自繞雷來

朝京師三接面命出車既道九所以慈惠東人者得悉數

焉以叔通之華資茂實而須長師於後命者蓋使洛邑者

老周知功化然後尺一詔條焜耀恩禮夫如是則吳公之

理平第一不復專美於前書矣又豈以翱翔集作翔疾徐為

叔通道耶岐燕元老理具惜別文昌六職夏官卿趙公而

下舉白出祖交歡道舊鄙人病不能醉亦笑言擊節於其

間衆君子皆賦愧序引之辱

送許校書赴江西使府序 前人

竊慕之士角逐於名聲者必以別策東堂校文石渠為標

首於公範言之皆其細者予與公範尋世好以約交道獲

申十年之敬出處多故及茲再會久飽諸公之議今日得

之心包大猷口析精理可以稽合同異懸照是非夫然者

焯當世之譽交大府之辟疾若機響不亦宜乎國家尚用

兵車之會且思磐石之固俾賢主秉旄節主江西諸侯辟

書四下大搜雋望公範拂拭縫掖從容長裾赴知己之命

伸丈夫之志固當酌六經精義以贊軍政俾介冑之下禮

讓興行且以中庸明誠之根本覃思於文藻致用於政事

發矧投刃固在於遠者大者庸詎知今茲一舉非圖南之

羊角耶臨岐話別迭以勉固志業而已若愀然涕下以聚

散為念此可畧也衆君子置之

月夜泛舟重送許校書聯句序 前人

一範持江西辟書駕言即路其出處之跡與婉婉之畫鄙
人不腆已為之序引且吳抵鍾陵二千里而遙九我諸生
悟離讌之不足集有序字故再徵斯會秋月若晝方舟沂沿笑
言不譁引蒲造適公範乃握管作三字麗句僕與二三子
聯而繼之申之以四五六七以廣其事如其風煙月露與
行者居者之思各見于詞

送張校書歸湖南序

前人

予初與知柔交相見集有之禮而退四字雖未知其歸而意其賢遠
今七年方再會於鍾陵交歡歡甚言理理詣其容溫然而

縮交集作文親仁久而益敬於官名虧成之際則得之

自是不得自是故年過四十一命典校諸生以為屈甚
集作善而張恬然儒冠我我不耻敝緼吟下誅古道以文自娛
獻歲南征者以寓環堵於長沙故也亦將參質文於屈宋
詳歲時於荆楚楓樹千里片岫鳥飛晨征夜泊無非詩興
彼湘君帝子之遺迹江離杜蘅之春色皆落君轂中矣而
修輟者得無詞焉集作乎

送陸校書赴祕省序

前人

陸氏為江南冠族子空一門將集作以文藻行實振起風
緒叔父群從歲為儀曹首科子空亦登甲乙讐校祕書集作

書錄是君子謂春官天官之舉不失人于容之名不過實
歲七月將沂江流如集作京師塗出練湖實集作訪予言
別予業以貧病不能自振方具臺笠鉞鋤耕鑿吳門于
以名聲文采官遊上國只秦之遠道出處之殊致在此別
也情如之何子容諸父深源方源我族之出有早歲遊虞
之舊故得君之道因是而深別離慙愴亦用加等於序引
也所不敢辭

送薛十九丈授將作主簿分司東都序 前人

丈人罷礪山尉之歲德興未一作既亂寓居南徐拜手之

初就傳未足以遜志歌詩未足以類事嬉于親集作席不

知苞蓋會離之際亦命之賦爾來向三十年矣因緣進越

次十朝而丈人以河陰丞蒲歲參調亦既感泣悲歡相

微辨風采乍疑夢想云而又微揚集作史氏之學發羊曇西

州之歎家風代德有所未知遺文迄簡甫獲傳授以丈人

素履厚行含章立誠黃集作沉集作白圻璨然內照可以書惇

史激薄俗者有焉方安舒以潔也孟勉也晉進以

枉道悅首受署不競於時方今王在在鎬東人望幸百執

事之府署盡備擇才以理繕工之屬分領厥司所趨者靜

其祿不薄集作不以嵩峯之下集作素業在焉與夫角逐於

京劇者異日論也集作觴舉曰征蓋以此途因以弱歲非詞發

篋見示且曰今日之別其可默耶集作書下情拜命之辱

送許協律判官赴西川序 前人

十年冬予與今左曹相君兵部尚書君同受詔禁中雜
對策以第其等將命於廷有請在百職之功緒者且以
吏課曹為言時相君為吏部郎崔為右補闕因相顧曰
言方譏切吾黨其可捨諸予撫手賀之以為得雋及後
詔下徵他日之詞則許生也典於蒲歲西遊岷峨丞相
彭城公雅聞其才辟以從事十三年冬以府檄計事
至于京師獻歲廻車醴酒祖道以子之立而和敏而
文策名於天府叶志於元臣搏迅颺翔層雲而賀不
暇給而別何為愴衆君子中飲集作歡者賦使鄙夫
頌之

送嶺南審評事赴使序


前人

大夫杜公用德禮威信訓齊南海居二年以部從事徵召
於君君溫文裕盡銳於術學在綺孺青衿之歲榮若
米王年方冠仕至廷尉評擁大府之傳赴賢主人之命其
徒榮之且梗枘巨幹不產培塿則知天鍾美茂亦多在世
德其要在聿修之不息而已彼吏理與將命事之細者况
新發於硎集作鏘刃集作溢匣不折不缺之誠豈足為執事道
耶予嘗被公辟書辱在下介顧以多病不敢遠遊南方析
集作斬執事者芳訊見及則詳言美化佇為中和樂職之頌
以抒下情

送李十第侍御赴嶺南序

前人

士君子之發令名沽善價鮮不由四征從事進者翔集翰
飛蓋視其府之輕重耳則侍御之今日猶鄙夫之昔時也



因想昔與今徐方連帥王僕射德素盛府主公楊尚書達
夫同登龍門於鍾陵爾來二十年矣二賢以大僚碩望當
明天子注意分閫之寄鄙夫顧無所用亦五叨中臺俯知
印綬以過量自愧追懷舊恩敢忘其所自耶况侍御溫良
敏肅周文術自贊初爲州里所舉俄屬聖朝以舊勲推恩
累更祿仕集作位再至京劇今茲簪法冠駕軺軒感於已知
不計勤遠又焉知圖南水激莊子作擊之變化不在此耶既賀
侍御所從又悅達夫之舉賓主之間仁義集作所字在焉歎門
告别思以言爲貺至若洪範之攸好德盤銘之日日新皆
侍御所執也又集作今何言焉敬謝達夫慎夏自愛無金玉
爾音而已

送李十二第侍御赴成都序

前人

相國臨淮公觀風俗於井絡之下辟禮所及皆雋人賢士
隴西李侯虛中敏厚而文嘗再中正鵠於大集無大字春官天
官氏同門生已翰飛三臺出入承明獨用恬退結黃綬於
伊洛或靜以勝熱或羸而不囂予意其必遇真工大治以
發鏃刃今果裁惠文趨黃閣集作閤視其所舉問其所從可
以交賀矣行當見相君政成一方執介圭歸上京集作台則
掖垣侍從之選不在從事之賢者吾不信也中外零落始
衰多疾祖道握手漉然涕洟至若銅梁王壘之勝踐使軒
宥榻之盛集皆備於歌詩者之說不能悉數云

送李十兄判官赴黔中序

前人

今名卿賢大夫繇參佐而升者十七八蓋刷羽幕廷而翰
飛天朝典日之濟否視從之輕重故予內兄以黔巫之
地爲夷途安流者受署於中執法王君故也以王君之
香望實宜處清近久矣惟天愛人授茲一方則兄之赴知
已誠可賀也兄端明文敏焯見吏理奉本府之書奏陳遠
人之便宜已集作以事復命驅車就路敢用觴酒宴較繫之
以言曰武陵辰溪四封十五郡大凡五十餘城以仁佐賢
寧彼縣道婉婉語集作言化為風謠然後徵理行之第一
獻賓寮之功用夫如是得不謂所從之重乎京師離群味
嘆仁政寓辭鈴閣之下無金玉其音

送商州崔判官序

前人

育於之地與郊圻接畛潘部條職顯達於京師且有此
得署賓介今二千石以宗室貞幹自中臺卽出守首辟博
陵崔君君溫恪廉清且以文敏緣飾三命官至汜水主簿
吏理有聞以中外之勲華文雅所憑者厚遊必有方集作
翔而後集然則君之委質商之報政二者其相爲用乎園
綺風聲夢想如在古祠喬木爲寄遐心

送右龍武鄭錄事東遊序

前人

予弱歲時從師於黨塾鄭生已用經術上第誦古先格言
圓冠紳帶綽綽溫雅里閨僑居年輩爲長迨今踰二紀三
徙官至親軍紀綱椽青袍化緇班鬢如艾徐道舊故悲歡
相因以鄭生之理文脩行而職業未稱得不爲大來之將

然歟抑食浮於人者或腊毒歟干不知也今則請急於環
列遵途於江介懷舊遊也吳中多賢士君子居易求志爲
予多謝之

送台州崔錄事二十一丈赴官序 前人

夏四月臨海紀綱椽崔雅璋受命選部出東門是歲重表
甥權德輿始至京師寓居同里顧其室空無以自貶遠輒
竊仁者之義申之以言云古之君子脩誠以慎獨居易以
養正行實中茂而纓轂外華其或不至則安之若命蓋直
已而不必用蹈道而不必行居今行古者實鮮而雅璋是
已言必踐學必思四命官率由會府進不苟而交不黷簡
蕭肅給推心爲理蒲歲罷去則與令第躬耕於茅山之下
雖姻食力脩家法考農政嗜言嘻申申有義有仁起於振聞
被於鄉黨之動也之靜也得古之遺風闇然而未彰不易
其方寧蹇連以終否無竒表以害正華髮承弁知者嘆之
且夫列郡之督郵視天臺之司轄地征之衆寡賦政之細
大爲樞爲柅何莫由斯予獨知臨海之人受賜不暇矣又
况琪樹風清石橋月明羽人僊子髣髴如覩遺集作遺有涉
無與境而勝象外之歡可勝既乎今大君子主制河東諸
侯府多雋賢且有雅璋者庸詎知今日適越不爲異時之
大來耶二三君子送遠加等醞酒以祖道歌詩以發志賢
雅璋而思仙山故也各見于詞

招隱寺上方送馬典設蹄上都序 前人

扶風馬諫茂直直方中和之惟發於恬曠放言遣詞示集亦
有餘力知名舊矣故相得甚歡觀覽其卷則警會心府
三復不倦若霜鴻清唳松雪孤映或諸生所不能至者而
茂直至之且多特集作持操尤病苟進故調於南宮仕於東
朝戰勝無悶官閑更適適相遇于南徐俄愴離居官局所
係言旋上國予乃與一二踈放之客詣精廬上方主人又
以翠茗籍芳代夫飛觴舉白玄言至論代夫握手流涕時
物且舉靈臺曠然晴江有楓千里在目茂直深於詩者衆
君子以詩祝之

送睦州李司功赴任序

前人

即功曹實亞都吏而冠六聯選部銓署勤於他職李侯宗

室子器幹明茂蒞官處煩率無留事清脩緣飾傾心於士
友此其可尚也予按李侯中外之姻十二年矣曩歲既展
禮屬予有禮官之命來趨闕下今茲得調甫獲再會又屬
予承乏代斲於儀曹不得授館以觴酒相歡纒數四耳征
蓋將去離憂惄然竊聞太夫人賢明有闔英華作門訓誠
予之內妹主中饋勸以義出則事良二千石分曹賦事入
則順承慈歡琴瑟靜好名教之樂豈待多祿耶富春江漁
集作魚浦潭紀行之詩與郡中坐嘯主諾之謠吾知之矣族
屬羈滯於江南者衆寓書難徧悉為多謝

送當途馬少府赴官序

前人

予始與馬生相遇於南徐州皆以刊集作列非校冗員溷泳文

誼生以既不得調廼反初服與計偕予放浪

集有江湖間於字

因為東諸侯辟召旋忝朝命與漢廷臣並行於西垣南宮

中時生窮閭

集作蘭

旅食射策未中積歲於靈臺之下儒衣

甚敝詩思不詘亦與其徒三數生嬉春感秋觴酌吟嘯視

豪游曠責者傲如也先皇帝不以僕不肖使操刈楚之柄

輒以得士自賀豈惟竊不遺不偷之目而已耶今茲

一作之

出青門結黃綬筮仕賦祿於東南之奧區且曰外兄州尊

理行充茂所以利攸往而不薄於中都官誠有由也然則

郡齋言詩幕廷主畫雖欲勇退其可逃乎清和之月草木

條暢京邑氣正在陽則舒方宜會合坐嘆離索追計舊故

向三十年湖塘里巷疑在前日各有班髮愴茲離襟又

也為予敬謝中丞君乃者南康永嘉廬江晉陵已為

二千石表率今當明天子守臣之寄為仁由已固又與前

四郡不侔賦政之暇知君自熟豈敢為曹丘耶但交賀而

已

送義興袁少府赴官序

前人

過江山水陽羨居最性質夷淡者得之愈深袁生愿恭文

敏渴善好學今茲試吏其本可書先正南陽王實扶中興

之運光啓上宇慶流後昆國有令典延世命官解巾筮仕

偶得佳境况青春之年綵衣黃綬出則為政入則承歡以

世德遺直而慎脩之不怠異時必復此其推輪歟追思童

兆

集作年

游寓茲地煙潭雲洞杳窅靜深邑中諸生多業文

者亦清輝勝槩之所發也生其勉之名集作衛許胄曹首

類歌詩鏘然在聽猥微不腆俾叙夫群篇

類歌詩鏘然在聽猥微不腆俾叙夫群篇

類歌詩鏘然在聽猥微不腆俾叙夫群篇

類歌詩鏘然在聽猥微不腆俾叙夫群篇

類歌詩鏘然在聽猥微不腆俾叙夫群篇

苑英華卷第七百二十九

序三十一

餞送十二

送從舅沐入京序一首

送三從弟長孺擢第後歸徐州觀省序一首

送再從弟少清赴潤州參軍序一首

送從兄穎遊江西序一首

送從兄立赴崑山主簿序一首

送從叔赴任鄱陽序一首

送三從弟况赴義興尉序一首

送玄上人歸天竺寺序一首

送道依闍黎歸婺州序一首

送靈澈上人廬山迴歸沃州序一首

送渾淪先生遊南岳序一首

送從兄南仲登科後歸汝州舊居序一首

送鈕秀才謁信州陸員外便赴舉序一首

送獨孤孝廉應舉序一首

送與平鄭少府歸上都觀省序一首

送巴東林明府之任序一首

送鹽山林少府之任序一首

送常熟許少府之任序一首

送建上人訪尋陽司業後詣涇原劉行軍序一首

送元和上人往五臺山序一首

送李孝蕪及弟東歸序一首

送洪孺卿赴鄉舉序一首

送族叔行元落第歸廣陵序一首

送薛大信歸臨晉序一首

送從舅沐入京序

權德輿

從舅詞甚茂行甚脩嘗見其緣情百餘篇得騷楚之遺韻故江南煙翠多在其集作中蓬累江湖坎壈終歲而衣不

襲突不黔彼乘堅驅良城沒於康莊者復何人哉辭從舅而言可以言命冬十一月方以大袂單衣挈書笈西遊且見訪曰予不試久矣道不可以終窶今將遊上京抵名卿以决出處其可乎哉德輿曰時有通塞道有顯晦審時行

道惟賢者能之今王度清夷紀律昭明宴安迷邦是為大
謬是舉也得審時行道之宜矣又何敢規

送三從弟長孺擢第後歸徐州觀省序 前人

吾嘗思天下之理必求其端於士行傳厚人文昭明則理

道從之孤卿大夫皆繇士而進得不謹於初以自重耶

則鎮干之刃駟驥之步百鍊千里必俟知者此長孺所有

獲進於左君之門也左君嘗貳六官之半復以綱轄再臨

儀曹銛鋒絕足於是乎得且爾齒歲集作秀發好學不遷

迨乎弱冠餘勇可賈脩詞體物講貫習復發鏃集作中的

觀者偉之夫每歲登名者四方之人皆屬耳目以評其當

否不可誣也若爾之敬遜務時敏沛然得之異時遠至如

在武矣吾與長孺曾王父在永崇開耀集作輝非之川繼以

賢能之書來獻于王庭德名家法華萼相輝暨吾早歲亦

將砥礪克賦而先友過聽遽以名聞蓬茅之中未筮而仕

既而中外族姻有以前心見勉者吾以為雖冗員解巾亦

君所命也豈可更名越禮以孟晉求售耶循性所安遊寓

湖海或辱賓召亦嘗從之頃歲以禮官徵在闕下因緣朝

獎忝冒清近既非所宜居常缺然歲時易過道義難就視

爾之年猶前日耳每思孔孟不惑不動心之言以為元龜

而未能也然則集作君子之本爾能聿脩其慰如

何叔文以廷尉評是集作于蘄集作里有課最家有教義聖

言歸寧拜慶上堂集作後體桂枝在手服名教者相賀况

吾之心邪宗門集作之登集無仕次者不十

輩相愛以誠集作其因爾之文藝徵吾之出處故詞

繁而不能已集作之積厚也方可以負大舟大翼

其勉之集作其字集作慎夏寓書而已十四年四月

從曾祖兄德與

送再從弟少清赴潤州參軍序 前人

今年群從之調試於天官春官者以十數與蕪舉秀既有

其人而少清以經明解巾參南徐州軍事其伯氏掾周衛

叔氏簿刺城代耕話別徵詩導志夫千里足下九江濫觴

致遠就深在乎不已况爾文敏脩潔澡身立誠康莊渤澥

吾見其往至如鮑昭之詞律孟嘉之風流又其次也集作想自

感僑居是邦趨朝七年東集作以紳珮烟霞并田如在

日前舉白祭較離憂加等尚書公以政成事簡鎮安一方

幕庭婉婉多我之執爾其敬恭以事長者求為可知闔然

日彰嚮吾所謂不已之道在此而已十三年三集作月醉

後序

送從兄穎遊江西序 前人

昔安丘敬公以王佐之才而運丁符氏故經綸大畧墜阨

不振如其乘時行道可以財成家邦豈止於相區區前秦

與王景略齊名而已集作道塞從古以然德輿與兄實承

安丘之遺烈其集作流以食善德故兄能踐中行蹈貞厲

守師氏之訓集作子之詞集作辭而用晦誠謙以居約者向

二十年來本大書名未登於王府方以一第為航遊江湖
問今將省家卷上鏡順流於潯陽羈旅之中未始以進趣
為念鄙則不敏焉為者兄言之自十數年間戎車居天下
之半故純白清華之士多齎而不發其或倚佳名集作席
世集作弊 卿以取貴者皆朝為屠沽夕拖章組風波變化
以萬萬計其次或雜與諸生之徒冠柱後惠文持從事使
者之檄益於府寺誼於傳置風流不還聲實相遠然則得
喪本不足以滑曠士之慮又况今之得喪耶先師曰知足
者不以羨自累行脩於內者無位而不作此二者可以書
紳而三復也鄙夫所獻者如斯已矣如其地理所歷與煙
霜之候皆備於詩人之思此略而不書

送從兄立赴崑山主簿序

前人

士君子筮仕之門有以代德麻屨而奉清廟齋祠者及夫
試吏就祿與秀才孝廉郎等蓋以舊服流慶後昆宜之其
於獎人為善之義深矣從兄承烏奕簪纓之後荷歲隰文
誼之訓敏於學行而薄於宦名乃今調於天官署崑山主
簿以姑胥之通邑士衡之佳句僑舊耕種集作植 多依是間
上有良二千石為東諸侯表率其餘躬敬事夙夜勤敏推
輪積水或在茲乎從弟中書舍人德輿序其所繇俾群從
偕賦

奉送從叔赴任鄱陽序

前人

叔父端懿誠厚退然自牧博洽前載不以沽名待價為心

德輿羈卅時伏見從叔義興君戶部君送別二序自前秦
安丘敬公至周千金恭公而下德善功烈辨其昭穆叔父
承千金廣川清水三葉紹封之慶其素履淑行二叔父實
詳言之爾來三十餘歲矣服義日茂用晦如初以仁愛任
恤復趨選部銅章列城得之不勤昔季路宓不齊理蒲與
單父爲孔門上第弘之在人仁遠乎哉况番君故地理通
下邑其壤沃其境清惠和簡庶可以游刃異日九江之西
上百里課第於有司者其在叔父乎佐酒霑醉歌詩爲禮
有命曰爾宜序謹序

送三從弟况赴義興尉序

前人

漢廷諸公皆附經術而施政事故其有猷有爲不疚不懼
著况者嘗理左右史記事記言之經傳暮訓居有司藉奏
中乃令參調署吏以養以仕言顧於行行本於經脩性勤
身而祿在其中矣夫學者病口隸其言而心不能通故吾
三年第經明者三百餘士而知類通達者往往有焉嘗與
賢諸侯河東柳敬叔吳郡陸伯冲寓書往復論取士之道
二君子言之頗詳若况之所履其吾與二君子之所欲求
也豈無多文之富耶而况不羅豈無趣捷之敏耶而况不
爲蓋質素者受采必固平夷者遵道必遠况之志其在是
乎吾與况也行以五綵衣裳視朝夕膳裘褐初解綬黃甚
新彼陽羨有佳山水玉潭東舍溪南岳洞靈仁祠僊觀邑
子鄉尊窮年勝賞筮仕於斯其樂如何有以賀義方之慶

輕少別之戚伯仲群從類其詩文亦命小子璠繫集作於
編末時皇帝御極甲子赦令之後一月也

送玄上人歸天竺寺序

前人

度門之教根於空寂因修以取證階有以及無不踐精深
之習而悟虛無之理者未之有也未得為得則其病歟僕

父味斯法思與言者既而得玄禪師師早誦大乘經各集

言數萬言晚得觀門之學今則色空如一哀樂不入矣桑

門之患有二焉未得之患為外見所得之患為內見

所縛今玄公脩然於二見之間集作門不內不外冥夫至妙

身戒心惠合於無俛且以勾吳有山水之絕境天竺又經

行之靜界振錫而往其心浩然蓋隨緣生興觸物成化而

不為外塵所引也幅巾男子權德輿稽首

送道依閣黎歸婺州序

前人

予與惠公游十年而惠公以其徒依公見訪靄然之和發

於眉宇得其道者不待言說予嘗欲黜健羨遺名聲不使

塵機世相滑潛靈府故每隨縉紳士則神怠與依惠游則

性勝蓋循分而動亦境所由然上人以東陽為山水佳地

且生約二德昔所游踐况雲洩石室花發桃巖是二精舍

為東南甲乙乃振緇錫泛然而行道機法樂盡在是矣如

僕者方牽攀世教未得與師為方外之遊遐情幽賞期一

二偈疏

送靈澈上人廬山迴歸沃州序

前人

昔廬山遠公鍾山約公皆以文章廣心地用替後學俾學者乘理以詣因言而悟得非玄津之一派乎吳興長老畫公發六義之精英首冠方外入其室者有沃洲集作州通用澈上人上人心真空無而跡寄文字故語甚夷易如不出常境而諸生思慮終不可至其變也如風松相韻冰玉相叩層峯千仞下有金碧聳鄙夫之目初不敢眦三復則澹然天和晦於其中放睹其容覽其詞者知其心不待境靜而靜况會稽山水自古絕勝東晉逸民多遺身世於此夏五月上人自鑪峯言旋復干一是邦予知夫拂方袍坐輕舟泝沿鏡中靜得佳句然後泝入空寂萬慮洗然則嚮之境物又其稊稗也鄙人方景暴集作行企尚之不暇焉集作惡敢以離群為歎

送渾淪先生遊南岳序

前人

予非歲時遇渾淪於荆溪徒見其山中疑巾羽衣有玄古之貌瞻敬不暇未遑問道倏然一別俄六七年今茲獻春稍訪于練湖之濱藥囊藥杖就館於我參希夷之旨折萬物之理皆發於全樸冥于大道集作通非夫人之為道道鳥乎在嘗以郭氏注莊生之書失於脗合萬物物無不適然則桀鷲饕戾無非逐性使後學者懵然不知所奉因自為注解并作三十三篇指要佳言精理特出古人之右矣夫然者睹其容則鄙恡無自入聞其言則和易浹於內兩忘所得得之至也既而振拂屨杖超集作冷然遠遊浮洞庭涉

廬阜然後揮手人世南登衡山將長往而不返耶或暫遊
人間而不可得見之耶予風波之人未脫世累得以愚蕪
自全靜每造適今日之別在於忘言

送從兄南仲登科後歸汝州舊居序 前人

古者採詩以辯志升歌以發德繫於時風播為樂章有不
類者君子羞之今兄能沂其末流詠于深源志之所之不
遷於物以為洙泗弟子起予者商而又嘉田之屢空鄙賜
之屢中故帶經食力耕於汝山之下環堵蓬茨若癡華穰
逸韻麗藻鏘然在聽夫歲臨汝守首賢能之書貢于儀曹
瞻言正鵠審固則獲前此亦嘗失之矣退實無愠羸而不
覺蓋能友諸已而已且用蕪賈之道故也今將抵洛郊歷
三陽與賢諸侯交歡假道然後自洛之汝燕居中林磅礴
右昔務居遠大蒿出幽谷鵬擊南溟將與群從叔季復脩
異日之賀豈止於今耶南宮如有雅知兄者且與德輿為
僚徵詩賦別以附其志謹序

送鈕秀才謁信州陸員外便赴舉序 前人

清旭燕居有秀才鈕氏以儒者衣冠訪我於衡門之下用
文一軸與刺借至訪其行也則曰將抵賢二千石陸上饒
然後自江而西射策上國且上饒以備詞邁氣待東南之
士士至必循分加禮繇是褒衣之徒耻不登其門故殿中
韓侍御亢直工為直詞嘗賦若以序故臨海守李君子從
父戶部皆以文義風騷為師友又賦若以詩矧夫植文行

於內親仁賢於外強學不倦潔已以進今茲行也以桂林
一枝為已任豈虛也哉辱微不腆是用詞達

送孤獨孝廉應舉序

前人

取士以孝秀二科古道也家有賢者時論多之君子之群
從皆以文藻射策或致位即署今孝廉又以溫清之餘力
行居業業茂行脩西遊太學吾子當集作上第之後衣春
服吟舞雩東還南徐拜慶堂下粲粲門子經術發身古人
有俯拾地芥之說斯濫觴矣

送興平鄭少府歸上都觀省序

穆員

凡我東周之遊誰非君子之門吏子之至也惠群公之思
且惜其去之速子有別墅我為其棠富清溪翠竹蓮花
樹比而遐幽而曠美而不華野而不陋用厥群勝甲於
東溪四月之節其芳始茂葉成清陰花結朱實中林惟籜
芳玉呈鮮麥風之秋與輕暑借至二三子春醪夏服於是
乎宜之陟則在庭降則在舟湍冷竹韻合如簫管時有山
鳥雜乎其間群籟同音俱以留客而嚴城暮日與林泉意
殊奪我當歡趣子命駕諸公以為他日過庭之問一作次
詩禮者其惟吾黨與東溪乎屬事微詞實假會文之友况
吾子以言以立可久可大作者之意不惟系石南之什宜
用緇衣之美副焉

送巴東林明府之任序

歐陽詹

國以人為本縣令親人之親者苟有命授無非慎擇今年

執政又加精選自吏曹銓擬仕集作而退下者十之五六

濟南林公以始仕之調發劓之乃請宰一邑天官劇巴東

也而使為之平衡無疑鈞軸不轉非輕重質器日以昭如

則安可於其難而易若此解褐結綬當時之盛既受牒恭

命而南征集作公與予鄉而且故幼而知公行先鄉曲譽

是通閭井之意術以經明集作升實操教化之本今有杜

稷有民人則弓矢入養叔之手徽絃在師曠之膝何微之

不中何妙之不盡去矣無使朱邑魯恭專美集作是官其

餘則巫峽峨峨岷江湯湯水天下清山天下秀遊盤貴苑

為池為塘退公暇而集作多暇為我廻睇

送蓋山林少府之任序 前人

新授蓋山尉孝廉即濟南林君脂轄東轅蒞官也蓋山滄

州之屬邑也滄州戎狄接境集作之地國家虞守之會東

南居恃力之卒西北有矜功之衆從事之劇惟天下先若

非機足應權達能通變則不之與也公以二善而時與之

夫騏驥未馳知有致遠之能集作干將未割知有剗堅之

功堂堂林君不假曾試集作假道試使嶧桐嶰竹必中音律勉以

能事為邦之光祿者所以食人為國俸者所以表集作人

替時予尚知之而君豈不知之苟知之何往而不利

送常熟許少府之任序 前人

始入仕一有縣尉或中或上或緊銓衡評才若地稱而命

之至於緊無得幸而處而緊中之羨者尤難以人今年孝

蘇即高陽許君授常熟尉者實紫中之羨君十三舉明經
十六登第後三舉進士皆屈於命去冬以前明經從常調
蔭資貴中之乙判居等外之甲既才且地擢以是官夏四
月隨牒之官四字集作隨玉貌青春芬芳有舊望棠陰而
委質鬱蘭咳以辭親征車鞞所往在目異時九仞由茲
一簣在邦猶家也不出於忠信許君常以為已任夫何郵
哉士之生制四方之志軫念於離別非所以為士也行乎
哉

送建上人訪陽司業後詣涇原劉行軍序 前人

建上人自茲又集作而西更為故人也至集作至咸山有道釋

子建上人元和之淳氣以類合休神遂性曩與少司成陽

公得于林棲公從下風之請斯縻大君之爵同方相致殊

途且來雖羈鸞冥鴻一飛一籠遐心遠意終共超曠遊佛

廟賞虛集作靈臺湖水片玉光潔并裕來為去始散實聚終

上人故人有在西土曰大夢未覺還宜一歡陶瓶芒履此

焉而往東路看集作著首悠然高雲西之人幾日而覲松栢

之本集作下無凡草鸞鷲之侶無凡禽西之人豈陽公之儔

歟則集作則字覲遇之辰瓊玖之列詩云可頌德覲於斯其撰

之竹帛儻傳俾後之人知貞元是歲賢人之會二也

送無知上人往五臺山序 前人

無生永存旨不易源綿兮在煩滴兮處渾釋氏子味其實

歸其根其教雖傳非言可言惟相似者復到其門無知上

人其到門者歟上人從儒至道從道至釋如歷星月以得
 白日若投集作棄扇髮而灑長風真空洞照熱惱頓盡水其
 性雲其身周四海以終靜出六合而非寄維揚秋抄方至
 自閩日未成旬作臺山之適目闕河於不計擬衣食乎隨
 施怡如也澹如也一作此行逢流得抵集作抵虛舟無程峨
 峨五峯幾日而上登異清涼侶善知識所至也之至玄之
 又玄乎予弱冠之年周集作同世諦之學神不遠逮溺在利
 名集作各利禮足而別悽然自傷岐途既殊聊各以行勉哉無
 知公勉哉歐陽生

送李孝廉及第東歸序

前人

明經自漢而還取士之嘉也經也者聖人講善之錄志立
 家齊國理在乎其中為人之父集作父者莫不欲其子之
 為人集作君者之君莫不欲其臣之明明斯行行斯近則平
 乎性命遠則成乎政令爾來加取比興屬詞之流更曰進
 士則近於古人之立言也為時稍稍其僥倖浮薄之輩希
 以無為有雖中乾外矯集作稿多捨明趨進伴去華致集作取
 實君子惡以真混假含章抱器乎捨進為明新及第李孝
 廉則含章抱器捨進為明者哲哲肌膚松寒玉清以志學
 升太學以學就升宗伯肯文乎沾滯義口占二戴集作上載非
 不往集作傳皇鄭復來投短書出長卷精博集作專炳煥儔倫
 褒然聖朝貞元癸丑歲明經祭者不止集作上百人孝廉冠
 其首非獨學勝亦以之聞則具集作有我芳華加之典實不

惡夫僥倖浮薄角力於此與屬詞並失分予未知鹿死誰
手不為也拾青紫之有路獻榮名以趨庭長途春光我羨
多彼噫盡藝而適猶有前聞家食非明時相待之意孝廉
其志之

送洪儒卿赴鄉舉序

前人

三折肱為良醫予五升詞場四遭倚撫是以竊知乎文則

洪氏子舉秀才前後集作其非勝負予得而廣集作度字夫子集作天子

黼黻之性加好勤苦之節紡績墳典織組篇什觀經緯機

杼則重錦繡段日口當成今年秋預貢士首薦五字集作貢士果居

首歌鹿鳴以飲集作食為餞想鵬搏而飾駕金欲入集作求鍛玉

將就磨光穎耀朝夕以冀廻鴈宿海秋風落山雖難別

下慶無恨中鵠餘失猶思并發升冬玄月期會

送族叔行元落第歸廣陵序 前人

族叔行元既射策於主司不合春二月將歸淮南所寓群

公設祖方獻未酬族集無此字叔悄然有不暢之色群公亦愕

爾而阻歡小子侍觴奉觴而前曰歸好事春美時酒樂物

叔於三者加同人將之而有未悅豈禮闈失意之為乎且

吾產金荆山產玉自民役巧鎔琢蓋多唯干將和璞有夫

聞非百鍊則其工集無工字良可用歟非三獻而其寶可集

真歟苟良苟真不即成不即售適以精其研稔其實如

也亦何稽於一邂逅哉若昔之人作必行動必中則是

秦無履穿之歎甯戚無石爛之歌孫弘無十上之勤商
無再干之勞也知泰而不知否知易而不知難是夫人也
非所以待乎叔也叔如之何叔折然見卞氏又集作來之
路平歸心納春景安酒意四坐以叶千鍾有娛既醉升車
秋為到期

送薛大信歸臨晉序

呂溫

先師曰益者三友吾能得之豈惟直諒多聞而已可以旁
魄天人談堯舜之道則有吾族凡臯可以根本性情語顏
夏之行則有太原王師簡可以發揚古訓論三代之文則
有河東薛大信此三君子或道以樂我或行以約我或文
以博我遭時則有光滌世則無悶其為益也不亦大乎大
信與予最舊始以孝弟餘力皆學于廣陵之靈巖寺雲卷
其身討論數歲常見大信述作必根乎六經取禮之簡樂
之易六字集作詩之比與書之典刑春秋之褒貶大易之
變化錯落混合淨潔特立不離聖域而逸軌絕塵不易雅
制而壞姿萬變有若雲起日觀盡成卅霞峯折靈掌無非
峻勢皆天光朗映秀氣孤拔豈藻飾而削成者哉聖上方
欲觀人之文潤色鴻業秉筆者如三光得天每賀大信有
其時矣無何余被卿執之舉賦于闕下以文乖時體行失
俗譽并為有司所黜此時大信亦與計偕知機全高匣
不試昔趙殺鳴鶴是臨河而逝子之見黜于亦遂巡事
雖不同其所感一是人其以結之于歸于思

古人有處有難乃言之日吾聞之志莫大者文為道之
飾道為文之本專其飾則道衰及其本則文存且使不存
又何傷矣彼那是是是之遺矣其之所理必有忠信如
君者焉問安之暇可與之友其居仁義浸潤道德考皇王
治亂之迹求聖哲行藏之旨定可以濟乎天下窮可以
其光明無為矻矻筆硯也行矣大信苟非同志勿失予
言

文苑英華卷第七百二十七

送鄭尚書序一首

序三十二

錢送十三

送友人遊蜀序一首

送鄭尚書序一首

送殷員外使廵鵠序一首

送許使君刺郢州序一首

送鄭十校理序一首

送河中楊少尹庶子歸鄉川一首

送幽州李端公序一首

送水陸運使韓潭州序一

送楊儀之歸潭州序一首

送嘗從事平序一首

送孟東野序一首

送李愿歸盤谷序一首

送董少南遊河北序一首

送區冊序一首

送令縱上人西遊序一首

送閑師上人序一首

送李礎判官正字歸湖南序一首

送友人遊蜀序

呂溫

始吾挹至源之貌若隴底積雪從寒木於雲谿次吾覽至源之文若驪龍追走集作相追弄明日於泉窟未吾聽至源之

論若泰山欲兩倒雲氣於滄溟如其貌可以振肅周行如其文可以光潤石渠如其論可以感動宣室而淪蕩江海

至二十年則不知天所以生之之意貞元甲乙歲以親故

來遊京師時然後言無辯以動衆樂然後笑無鞫以物義然後取無食以寧居慨然悔之決策長往因登紫

峯而指曰西南青冥色連岷峨吾行何歸山盡則住翌日告別于友人太原王玄運顧謂予曰高雲出岫無時雨

之會與風悠揚轉遠而散若至云者其猶雲耶盍亦贈之序子和汝

送鄭權尚書序

韓愈

嶺之南其州七十其二十二隸嶺南節度府其四十餘分四府府各置帥然獨嶺南節度為大府大府始至四府必使其佐啓問起居謝守地不得即賀以為禮歲時必遣賀問致水土物大府帥或道過其府府帥必戎服左握刀右

屬弓矢帕首袴鞞迎于郊及既至大府帥先入擬館帥守
屏若將趨入拜庭之為者大府與之為讓至一至再乃敢
改服以賓主見適位執爵皆阻拜不許乃止處若小侯之
事大國有大事諾而後行隸府之州離府遠者至三千里
懸隔山海使必數月而後能至蠻夷悍輕易怨以變其南
州皆岸大海多洲島飄集作風一日踔數千里漫濶不見
蹤跡控御失所依險阻結黨仇俄毒矢以待將吏撞撫呼
號以相和應蜂屯蟻雜不可爬仇好則人怒則獸故常薄
其征入簡節條條集作而疎日時有所遺漏不究切之長養以
見子至紛不可治乃草薙而禽獮之盡根株痛斷乃止其
海外維國若耽浮羅流來毛人夷賣之洲林邑扶南真臘
平掩利之屬東南際天地以萬數或時候風潮朝貢變變
賈人舶交海中若嶺南帥何其人則一邊盡治不相寇盜
賊殺無風魚之災水旱癘母之患外國之貨日至珠香象
犀瑇瑁奇物溢於中國不可勝用故選帥常重於他鎮非
有文武威風知大體可畏出者則不幸往往有事長慶三
年四月以工部尚書鄭公以刑部尚書兼御史大夫往踐
其任鄭公嘗以節鎮襄陽帥滄景德棣歷河南尹華州
刺史皆有功德可稱道入朝以為金吾將軍散騎常侍工部
集有侍尚書家屬百人無即二字畝之宅饒屋以居可謂貴而
能貧為仁者不富之効也乃是命朝廷莫不悅將行公卿
大夫士苟能詩者咸相率詩以美朝政以慰公南行之

思韻必以來字者所以祝公成政而來歸疾也

送殷員外使迴鶻

前人

唐受天命為天子凡四方苗國不問海內外無小大咸臣

順於朝時節貢水土百物者特來小者附集元和睿聖

文武皇帝既嗣位悉治方山就法度十三年詔曰四方萬

國唯迴鶻於唐最親奉職謹丞相其選宗室四品一人

李孝持節往賜君長告朕集作之意又選舉有經術集作

通知時事者一人與之為法由是殷侯侑自太常博士遷

尚書虞部員外郎兼侍御中朱衣象笏承命以行朝之大

夫莫不出餞酒半右庶子加命執盡言曰殷侯一作殷今

人適數百里出門惘惘有別離可憐之色持集作被入

三言丁寧顧婢子語刺刺不能休今子使萬里外國獨無

幾微出於言面豈不真知重重大丈夫哉丞相以子應詔

真誠知人矣士不通經果不足用於是相屬為詩以道其

行云

送許使君刺郢州

雍序

前人

愈嘗以書自通於于公頓數數百言其大要也言先達之

士得人而託之則道德彰而名問集作流後進之士得人

而託之則事業顯而爵位通下有矜乎能上有矜乎位雖

恒相求而不相遇于公不以其言為不可復書曰足下之

言皆是矣三字集作是也于公身若萬伯之尊蓄不世出集無

字之才而能與卑鄙庸陋相應若如影響是非忠乎君而

樂乎善以國家之務為已任有乎愈雖不敢私其大恩抑
不可不謂之知已恒矜而誦人情已至而事不從小人之
所不為也故於使君之行道刺史之事以為于公贈凡天
下之事成於自同而敗於自異為刺史者恒私於其民不
以實應乎府為觀察使者恒急於其賦不以情信乎州由
是刺史不安其官觀察使不待其政財已竭而歛不休人
已窮而賦韓集舉愈急其不正作怒云為盜也亦幸矣誠使刺史
不私於其民觀察使不急於其賦刺史曰吾州之民天下
之民也惠不可以獨厚觀察使亦曰某州之民天下之民
也歛不可以獨急如是而政不均令不行者未之有也其
前集有言者于公既已信而行之矣今之言者其有不

乎縣之於州猶州之於府也有以事乎上有以臨乎下國
則成異則敗者皆然也非使君之賢其誰能從集作之愈
於使君非燕遊一朝之好也故其贈行不以頌而以規

送鄭十校理序

前人

祕書御府也天子猶以為外且遠不得朝夕視更始聚書
於集賢殿別置校讎宜曰學士曰校理常以罷丞相為大
學士其他學士皆達官也校理則用天下之名士集作能
文學者苟在選不計其秩次唯所用之由是集賢之書盛
積盡祕書所有不能處其半書日益多官日益重四年鄭
生溆始以長安尉選為校理人皆曰是宰相子能恭儉守
教訓好古義施於文辭者如是而在選公卿大夫家選之

子弟其勸耳矣愈為博士也始事相公於祭酒分教東都
生也事相公於東太學今為郎於都官也又事相公於居
守三為屬吏經時五年觀道德於前後聽教誨於左右可
謂親薰而炙之矣其高大遠密者不敢隱度論也其勤已
而務博施以已之有欲人之能不知古君子何如爾今生
始進仕獲重語於天下而慙慙若不足真能守其家法矣
其在門集有下字者可進賀也求告來寧朝夕侍側東都士大
夫不得見其面於其行日分司即吏與留守之從事竊載
酒殺度定鼎門外盛賓客以餞之既醉各為詩五韻且屬
愈為序

送楊巨源少尹序

前人

世帳漢書祖道都門外車數百兩道路觀者多歎息泣下

共言其賢漢史既傳其事而後世工畫者又圖其跡至今

照人耳目赫赫若前日事國子司業楊君巨源方以能詩

誦後進一旦以年滿七十亦白丞相去歸其鄉世嘗說古

今人不相方集有及字今楊與二疏豈其異意耶集作其意豈異也余

集作忝在公卿後遇病不能出不知楊侯去時城門外送

者幾人車幾兩馬幾駟一作道邊觀者亦有歎息而集無此字

知其為賢與否而太史氏又能張大其事為傳繼二疏蹤

跡不落莫否見今世無工畫者集有而字畫與不畫固不論也

然吾聞楊侯之去丞相有受而惜之者署以為其都少尹

不絕其祿又為歌詩以勸之京師之長於詩者亦屬而和之又不知當時二疏之去有是事否古今人同不同未可知也中世士大夫以官為家罷則無所於歸楊侯始冠於其鄉歌鹿鳴而來也今之歸指其樹曰某樹吾先人之所種也某水某丘吾童子時所釣游也鄉人莫不加敬誠集作子孫以楊侯不去其鄉為法古之所謂鄉先生沒而可祭於社者其在斯人歟其在斯人歟

送幽州李端公序

前人

元年集有春字非今相國李公藩為吏部員外郎愈嘗與偕朝

道語幽州司徒公劉濟之賢曰某前年被詔告禮幽州入其

地文粹勞之使累文粹至每進益恭及郊司徒公紅帽

首韓袴握刀抗本有左右雜佩方張集作服失插

循立迎道閣本左某禮辭曰公天子之宰禮不可如是及

府又以其服執集作事某又曰公三公不可以將服承命

及館又如是集作卒不得辭上堂即客階文粹有座必東

嚮愈曰國家失太平於今六十年夫十日十二子相配數

窮六十其將復平乎韓即舉平必自幽州始亂之所出也

今天子大聖司徒公勤於禮庶幾帥先河南北之將來觀

奉職如開元時乎李公曰然今李公既朝夕左右必數數

為上言元年之言殆合矣端公歲時來壽其親東都東都

之士大夫一作大莫不拜于門其為人佐甚忠意欲司徒

公功名流千萬歲請愈以言為使歸之獻

送水陸運使韓約一作重舉侍御歸所治序 前人

六年冬振武軍吏走驛馬詣闕言飢公卿廷議以轉運使不得其人宜選才幹之士往換之吾族子重華適當其任至則出贖罪吏九百餘人脫其桎梏給耒相與牛使耕其傍便近地以償所負釋其粟之在吏者四十萬斛不徵吏得去罪死假種糧齒平人有以自効莫不涕泣感奮相率盡力以奉其令而又為之奔走經營相原隍之宜指授方法故連二歲大熟吏得盡償其所亡失四十萬斛者而私有其贏餘得以蘇息軍不復飢君曰此未足為天子言請益募人為十五屯屯置百三十人而種百頃令各就高為堡東起振武轉而西過雲州界極於中受降城出入河山之際集作險六百餘里屯堡相望寇來不能為暴人得肆耕其中少可以罷漕輓之費朝廷從其議秋果倍收歲省度支錢千三百萬八年詔拜殿中侍御史錫服朱銀其冬來朝奏曰得益開田四千頃則盡可以給塞下五城矣夫田五千頃法當用人七千臣令吏於無事時督習弓矢為戰守備因可以制虜庶幾所謂兵農兼事務一而兩得者也大臣方持其議吾以為邊軍皆不知耕作開口望哺有司常饑人以車船自他郡往輸乘沙逆河遠者數千里人畜死蹄踵交道費不可勝計中國坐集有見字耗虛而邊吏恒苦食不繼今君所請田皆古秦漢時郡縣地其課績又已驗白若從其言其利未可遽以一二數也今天子方舉群策



以收太平之功寧使士有不盡用之歎懷竒見集作死而不

得施設也君又何憂而中臺士大夫亦同言侍御韓君前

領三縣紀綱三集作二州奏課常為天下第一行其計於邊

其功烈又赫赫如此使盡用其策西北邊故所沒地可指

期而有也聞其歸皆相勉為詩以推大之而屬予為序

送楊儀之支使歸潭州序 前人

愈在京師時嘗聞當今藩翰之賓客惟宣州為多賢愈與

之游者有二人焉隴西李博清河崔群群與博之為人吾

知之道不行於主人與之處者非其類雖有享之以季氏

之富不一日留也以群博論之凡在宣州之幕下者雖不

得集作盡與之游皆可信而得其為人矣愈未嘗至宣州而

頌其主人之賢者以其取人信之也今中丞之在朝愈

日侍言於門下其來而鎮集作領茲土也有問湖南之賓客

者愈曰知其客可以信其主者宣州也知其主可以信其

客者湖南也去年冬奉詔為邑於陽山然後得謁湖南之

賓客於幕下於是知前之信之也不失矣及儀之之來也

聞其言而見其行自於是以下二十三字集作及支使之

之也不失矣則向之所謂群與博者於吾何先後焉儀之集作

明集作智足以造謀材足以立事忠足以勤上惠足以存下

而又侈之以詩書六藝之學先聖賢集作人之德音以盛集

成其文以輔其質宜乎從事於是府而流聲實於天朝也

夫樂道人之善以勤集作勤其歸者乃吾之心也謂我為邑

長於斯而媚夫人云者不知言者也工乎詩者歌以繫之

送竇平從事序

前人

踰甌閩而西集無此字南皆百越之地於天文其次星紀其星

牽牛連山隔其陰鉅海敵集作敵其陽是維集作告島居集作夷

卉服之民風氣集作俗之殊者自在諸本古昔唐之有天下號

令之所加無異於遠近民俗既遷風氣亦隨雪霜時降癘

疫不興瀕海之饒固如其諸本作如於初是以人之之集作於南

海者如東西州焉皇帝臨御天下二十有二年詔工部侍

郎趙植為廣州刺史盡牧南海之民署從事扶風竇平平

以文辭進於是集作其行也其族人殿中侍御史牟合東都

交遊之能文者二十有八人賦詩以贈之於是昌黎韓愈

趙南海之能得其人莊從事之答於知我一作不憚行

於遠也又樂集有其字貽周之愛其族叔父能合文詞以寵榮

之作送竇從事少府平序

送孟東野序

前人

大凡物不得其平則鳴草木之無聲風撓之鳴水之無聲

風蕩之鳴其躍也或激之其趨也或梗之其沸也或炙之

金石之無聲或擊之鳴人之於言也亦然有不得已者而

後言其歌也有思其哭也有懷凡出乎口而為聲者其皆

有不集作弗平者乎樂也者鬱於中而泄於外者也擇其善

鳴者而假之鳴金石絲竹匏圭革木八者物之善鳴者也

維天之於時也亦然擇其善鳴者而假之鳴是故以鳥鳴

春以雷鳴夏以虫鳴秋以風鳴冬四時之相推效其必有
 不得其平者乎其於人也亦然人聲之精者為言文詞之
 於言又其精也尤擇其善者而假之鳴其在於唐虞咎繇
 禹其善鳴者也而假之以鳴夔不不能水作以文辭鳴又自
 假於詔以鳴夏之時五子以其歌鳴伊尹鳴殷周公鳴周
 凡載於詩書六藝皆鳴之善者也周之衰孔子之徒鳴之
 其聲大而遠傳曰天將以夫子為木鐸其弗信矣乎其未
 也莊周以其荒唐之詞鳴集有於楚二字非楚楚大國也其
 亡也屈原以集作以鳴臧孫辰孟軻苟卿以道鳴者也楊
 朱墨翟管夷吾晏嬰老聃申不害韓非慎到田駢鄒衍尺
 儉孫武張儀蘇秦之屬皆以其術鳴秦之興李斯鳴之漢

兼取遊心文府聊因煇管用寫虛襟故繁序所聞以為
 雜一部想周朝之十亂爰著十章思殷室之兩臣分為兩
 所以發揮元行鎔範身心為事上之典模作人臣之繩
 準若乃遐想綿載眇鑒前脩莫不元首吾尊股肱宣力資
 棟梁而成大厦憑舟楫以濟巨川唱和相依同功共體然
 則君親既立忠孝形焉奉國奉家率由之道寧二事君事
 父資敬之途斯一臣主之義其至矣哉休戚是均可不深
 鑒夫麗容雖麗猶待鏡以端形明德雖明終假言而藥石
 今故以茲所撰普鋤其榛誠非筆削之公貴用裨道之益
 何則正言斯重玄珠比而尚輕選語為珠蒼壁喻而非寶
 是知贈人以賄者唯申即日之歡贈人以言者能致終身

之福若使佩茲箴戒同彼常弦脩己必顧其規立行每觀其則自然榮隨歲頌慶與時新家將國而共安下與上而俱泰察微之士宜所三思庶照鄙識敬終高德凡諸章目列之後云

黃帝八十一難經云

王勃

黃帝八十一難經是醫經之秘錄也昔者岐伯以授黃帝黃帝歷九師以授伊尹伊尹以授湯湯歷六師以授太公太公授文王文王歷九師以授醫和醫和歷六師以授秦越人秦越人始定立章句歷九師以授華佗華佗歷六師以授黃公黃公以授曹夫子夫子諱元字真道自云京兆人也蓋授黃公之術洞明醫道至能遙望氣色徹視臟腑滌腸剝胃之術徃徃行焉浮沉人間莫有知者勃養於慈父之手每承過庭之訓曰人子不知醫古人以為不孝因竊求良師陰訪其道以大唐龍朔元年歲次庚申冬至後甲子予遇夫子於長安撫勃曰無欲也勃再拜稽首遂歸心焉雖父伯兄弟不能知也蓋授周易章句及黃帝素問難經乃知三才六甲之事明堂玉匱之數十五月而畢將別謂勃曰陰陽之道不可妄宣也針石之道不可妄傳也無徃在以自彰當陰沉以自深也勃受命伏習五年于茲大有升堂覬奧之心焉近復鑽仰太虛導引元氣覺滓穢絕精明相保方欲坐守神仙棄置流俗噫蒼生可以救耶斯文可以存耶昔太上有立德其次有立功其次有立

言非以徇名也將以濟人也謹錄師訓編附聖經庶將來君子有以得其用心也

山亭興序

前人

仁者樂山智者樂水即去深山大澤龍蛇為得性之場廣
漢巨川珠貝是有殊之地豈徒茂林脩竹王右軍山陰之
蘭亭流水長堤石季倫河陽之梓澤下官天性任真直言
淳朴拙容陋質耿少之丈夫蹇步窮途坎壈之君子文史
足用不讀非道之書氣調不羈未被可入之日頴川人物
有荀家兄弟之風漢代英奇守陳氏門宗之德樂天知命
一十九年負笈從師二千餘里有弘農公者且下無雙風
流第一仁崖知宇昭臨明日月之輝廣度坤襟磊落壓乾

中司馬遷相如楊雄最善鳴者也其下魏晉氏鳴者不

於古然亦未嘗絕也就其善鳴者其聲清以浮集作其

節數以急其詞淫以哀其志弛以肆其言也亂集作雜而

無章將天醜其德莫之顧耶何為而集作乎不鳴其善鳴者

也唐之有天下陳子昂蘇源明元結李白杜甫李觀皆以

其所能鳴其存而在下者孟郊東野始以其詩鳴其高出

晉魏不懈而及於古其他浸淫乎漢氏矣從吾游者李翱

張籍其尤也三子者之鳴信善鳴矣抑不知天將和其聲

而使鳴國家之盛耶抑將窮餓其身思愁其心腸而使

鳴其不幸耶三子者之命則有懸乎天矣其在上也矣

喜其在下也奚以悲東野之役於江南也有若不

集作不故吾道其命於天者集有解之

送李愿歸盤谷序

前人

大行之陽有盤谷盤谷之間泉甘而土肥草木叢茂居

鮮少或集有謂其環兩山之曰盤或曰是谷也宅

而勢阻隱者之所盤旋石本無友人李愿居之愿之言曰

人之集有稱大丈夫者我知之矣利澤施於集作人名聲

乎集作時坐于廟朝文粹進退百官而佐天子出令其在

外則樹旗旄羅弓矢武夫前呵從者塞途供給之人各

其物夾道而疾馳喜有賜集作怒有刑才俊集作滿前

古今而譽盛德入耳而不煩曲眉豐頰清聲而便體秀外

而惠中飄輕裾翳長袖粉白黛綠者列屋而閑居妬

世者之集有為也吾非惡此而逃之是有命焉不可幸而

也窮居而野處升高而遠望集作坐茂樹以終日濯清

泉以自潔采於山美可茹釣於水鮮可食起居無特唯適

安與其集有譽於前孰若無毀於其後與其集有

子於身孰若無憂於其心車服不維刀鋸不加理亂不知

險不聞大丈夫不遇於時者為之二字集作也我則行

適伺候於公卿之門奔走於形勢之途足將進而越起

將言而躡蹙處汗穢而不羞觸刑辟而誅戮僥倖於萬一

老死而後止者其於為人賢不肖何如也昌黎韓愈聞

言而壯之與之酒而為之歌曰

盤之中維子之宮盤之土維子之稼四字石本作可以

盤之泉可濯可集作沿四字一作可盤之阻誰爭予所

而深廓其有容繚而曲如往而復嗟盤之樂兮樂且無央

虎豹遠跡兮蛟龍遁藏鬼神守護兮呵禁不祥飲且集作

食兮集有壽而康無不足兮奚所望膏吾車兮秣吾馬

子于盤兮終吾生以徜徉

送董邵南遊河北序

前人

燕趙古稱多感慨悲歌之士董生舉進士連不得志於有

司懷抱利器鬱鬱適茲土吾知其必有合也董生勉乎哉

夫以子之不遇時苟慕義強仁者皆愛惜焉矧燕趙之士

乎其集有性者哉然吾嘗聞風俗與化移易吾惡

今集有於吾集作所聞集作邪聊以吾子之行卜之也董

生勉乎哉吾因之有集有感矣為我吊望諸君之墓而觀

於其市復有昔時屠狗者乎為我謝曰明天子在上有集

以出而仕矣

送區冊序

前人

陽山天下之窮處也陸有丘陵之險虎豹之虞水有文粹

江流悍急橫波之石庶利侔劔戟舟集有上下失勢破

碎淪溺者往往有之縣郭無居民官無丞尉夾江荒茅篁

竹之間小吏十餘家皆烏言夷面始至言說不相通

畫地為宇然後可告以出租賦奉期約是以賓客遊從之

士無所為而至愈待罪於斯且半歲集有有區生者誓言

相好自海峽舟而來升自賓階儀觀集作冠非甚偉坐與之雲

文義卓然莊周云逃空虛者聞人足音蹙然而喜矣况

斯文粹無此字人者豈易得哉集作耶入吾室聞詩書仁義之說

欣然喜若有志乎集作於其間也集有且字與之翳嘉林坐石

投竿而漁陶然而集作以樂若能遺外聲利而不厭乎無文

字貧賤也歲之初吉文粹作吉歸覲文粹作拜其親酒壺既傾序以

識別

送令縱上人西遊序

前人

其行異其情同君子與其進可也令縱釋氏之秀者也又

善為文浮泛集作游倘佯跡接天下藩維大臣文武豪士令

縱未始不褰裳而負業往造甘門下其尊行美德建功

業令縱從而為之頌歌集作歌訟典而不諛麗而不淫

有中古之遺風歟及促席接膠之風所與乘間致密促席

接譏評文章商較人士浩浩乎不窮惜惜乎深而有歸於

是乎吾忘令縱之為釋氏之子也其來也雲凝其去也風

休方歡而已辭雖義而不求吾於令縱不知其不可也盍

賦歌集無此字詩以道其行乎

送高閑上人序

前人

苟可以寓其巧智使機應於心不挫於氣則神完而守固

雖外物至不膠於心堯舜禹湯治天下養叔治射庖丁治

牛師曠治音聲扁鵲治病僚之於九秋之於奕伯倫之於

酒樂之終身不厭奚假外慕夫外慕徒業者皆不造其堂

不齊其歲者也往者集作時張旭善草書不治他伎喜為書

書怒焉草書八字集作喜怒窘窮夢悲偷佚怨恨思慕酣醉無適

不平有動於心必於草書焉發之其觀於物見山水崖谷

鳥獸虫魚草木之花實日月列宿集作星風雨水火雷電霹

靂歌舞戰陣天地事物之變可喜可愕一寓於書故旭之

書變動猶鬼神不可端倪以此終其身而名後世今閑之

於草書有旭之心哉不得其心而逐其跡未見其能旭也

為旭有道利害必明無遺錙銖情集作精炎於中利欲闢進

有得有喪勃然不釋然後一決於書而後旭可幾也今閑

師浮屠氏一死生解外繆集作膠是其為心必泊然無所起

於抗本作於起其世必淡然無所於嗜泊與淡相遭頽墜集作墜

不可收拾則其於書得無象之然乎然吾

知矣浮屠氏善閣本作善幻多技能閑集作師字如通其術則吾不能

送李礎判官正字歸河南序 前人

貞元中愈從太傅隴西公于汴州李生之尊父以待御史

管汴之鹽鐵日為酒殺羊享賓客李生則尚與其弟學讀

書習文辭以舉進士為業愈於太傅府年最少故得交李

生父子間公薨軍亂軍司馬從事皆死侍御亦被讒為民

日礎之父仁鈞流愛南其後五年愈又貶陽山令今愈以

都官司員外郎守東都省侍御自衡州刺史為親王集作府字

長史亦留此三字抗本作政掌其府事生以集作自湖南從事請告

來觀於時太傅府之上唯愈與河南司錄周君巢獨存其
外則李氏父子相與為四人離十三年幸而集處得讌而
舉一觴相屬此天也非人力也侍御與周君於今為先輩
盛杭本德集有李生温然為君子有詩八百篇傳誄於時
唯愈也業不益進行不加修顧唯未死耳往拜侍御謁周
君抵李生退未嘗不發愧也往時侍御有無盡費於朋友
及今則又不忍其三族之寒飢聚而館之疎集作遠畢在
至集作祿不足以集有養李生雖欲不從事於外其勢不可
得已集作也重李生之還者皆為詩愈最故故又序云集
之

文苑英華卷第七百三十一

序三十三

餞送十四

送浮屠師文暢序一首 送廖道士序一首

送石洪處士赴河陽叅謀序一首

送温造處士赴河陽軍序一首

送權秀才序一首 送何堅歸序一首

送王墳秀才序一首 送齊暉下第歸序一首

送牛堪登第歸序一首 送進士士舍序一首

送張童子序一首 送陳密序一首

同吳武陵送前桂州杜留後序一首

送邠寧獨孤書記赴辟命序一首

送薛判官量移序一首 送李判官往桂州序一首

送寧國范明府序一首 送薛存義之任序一首

送詩人廖有方序一首 送解序一首

送李渭赴京師序一首

送浮屠文暢序

韓愈

人固有儒名而墨行者問其名則是校其行則非可以與之游乎如有墨名而儒行者問其名則非校其行則是可與之游乎楊子雲稱在門牆則揮之在夷狄則進之吾取以為法焉浮屠師文暢喜為文章其周游天下凡有集游行必請於搢紳先生以求詠歌其所志貞元十九年春將行東南柳君宗元為之請集作序解其裝得所叙詩累百

告之字者而徒舉浮屠之說贈焉夫文暢浮屠也如欲聞

浮屠之說當自就其師而問之何故謂吾徒而來請也彼

見吾君臣父子之懿文物禮樂集作事為之盛其心必有慕焉

物其法而未能入故樂聞其說而請之如吾徒者宜當告

之以二帝三王之道日月星辰之所以行天地之所以著

鬼神之所以幽人物之所以蕃江河之所以流而語之不

當又為集作就浮屠之說而瀆告之也人集作民之初生固若

禽獸夷狄然聖人者立然後知宮居而粒食親親而尊尊

生者養而死者藏是故道莫大於集作過乎仁義教莫正集作大

乎禮樂刑政施之於天下萬物得其宜措之於其躬體安

而氣平亮以是傳之舜舜以是傳之禹禹以是傳之湯湯以是傳之文武文武以是傳之周公孔子書之於冊中國之人世守之今浮屠者孰為之而孰傳之耶夫鳥兔而啄仰而四顧夫獸深居而簡出懼物之為已害也猶且不免焉弱之肉疆之食今吾與文暢安居而暇食優游以生死與禽獸異者寧可不知其所自耶夫不知者非其人之罪也知而不為集有者惑也悅乎故不能即乎新者弱集作溺也知而不以告人集作者不仁也告而不以實者不信也余既重柳請又嘉浮屠能喜文辭於是乎言

送廖道士序

前人

五嶽於中州衡山最遠南方之山巍然高而大者以百數

然衡山為宗最遠而獨為宗其神必靈衡之南八九百里

地益高山益峻水清而益駛其最高而橫絕南北者嶺柳

之為州在嶺之上側南二字集作測其高下得三之二焉中州

清淑之氣於是焉窮氣之所窮盛而不過必蜿蟺扶輿磅

礴而鬱積衡山之神既靈而柳之為州又當其集無中州其字

清淑之氣蜿蟺扶輿磅礴而鬱積其水土之所生神氣之

所感白金水銀丹砂石英鍾乳橘柚之包竹箭之美千尋

之名材不能獨當奇蜀本無也意必有魁奇忠信材德之

民生其間而吾又未見也其無乃迷惑沒溺於老佛之學

集作而不出耶廖師柳民而學於衡山氣專而容寂多藝

而善遊豈吾所謂魁奇而迷惑沒溺者耶廖師善知人若

不在其身必在其所與游訪之而不吾告何也於其別申以問之

送石洪處士赴河陽參謀序 前人

河陽軍節度御史大夫烏公為節度之三月求士於從事之賢者有薦石先生者公曰先生何如曰先生居嵩邙瀝澗之間冬一裘夏一葛集有食字朝夕飯一盂蔬一盤人與之錢則辭請與出遊未嘗以事免勸之仕則不應坐一室左右圖書與之語道理辨古今事當否論人高下事後當成敗若河決下流而東注若駟馬駕輕車就熟集作夷路而王良造父為之先後也若燭照數計而龜卜集作兆也大夫曰先生有以自老無求於人其肯為某來耶從事曰大夫文

忠孝求士為國不私其集作於家方今寇聚於恒師環其

農不耕收集作牧財粟殫亡吾所處地歸輸之塗治法征

謀宜有所主集作出先生仁且勇若以義請而疆委重焉其

何說之辭於是撰書詞具馬幣卜日以授使者求先生之

廬而請焉先生不告於妻子不謀於朋友集作其朋冠帶出見

客拜受書禮於門內宵則沐浴戒行事集作李載書策問道


所由告行於嘗集作常所來往者晨則畢至張筵於上東門

外酒三行且起有執爵而言者曰大夫真能以義取人先

生真能以道自任決去就一無此三字為先生別又酌而祝曰

凡士之去就出處何常惟義之歸遂以為先生壽又酌而

祝曰使大夫恒無變其初無務富其家而饑其師無其受



佞人而外敬正士無味於諂言唯先生是聽以能有成功
保天子之寵命又祝曰使先生無圖抗本利於大夫而私
便其身圖先生起拜祝辭曰敢不敬蚤夜以求從祝規於
是東都之人士咸知大夫與先生果能相與以有成也遂
各為歌詩六韻遣集作退愈為之序云

送温造處士赴河陽軍序

前人

伯樂一過冀北之野而馬群遂空夫冀北馬多於天下伯
樂雖善知馬安能遂空其群耶解之者曰吾所謂空非無
馬也無良馬也伯樂知馬遇其良輒取之群無留良馬苟
無留其良雖謂無馬不為虛語矣東都固士大夫之冀北
也特集作懷才能深藏而不集作賈者洛之北涯曰石生其

温曰温生大夫烏公以鈇鉞鎮河陽之二月以石生為
才以禮為羅羅而致之幕下未數月也以温生為才於是
以石生為媒以禮為羅又羅而致之幕下東都雖信多才
士朝取一人焉拔其尤暮取一人焉拔其尤自居守河南
尹以及百司之執事與吾輩二縣之大夫政有所不通事
有所可疑奚所諮而取焉士大夫之去位而巷處者誰與
嬉游小子後生於何考德而間業焉搢紳之東西行過是
都者無所禮於其廬若是而稱曰大夫烏公一鎮河陽而
東都處士之廬無人焉豈不可也夫南面而聽天下其所
託重而恃力者唯將與相耳相為天子得人於朝廷將為
天子得文武士於幕下求內外無理集作不可得也愈縻

於茲不能自引去資二生以待老今皆為有力者奪之其何能無介然於懷耶生既至拜公於軍門其為吾以前所稱為天下賀以後所稱為吾致集作致字私怨於盡取也留守相公首為四韻詩歌其事愈因推其意而叙焉

送權秀才序

前人

伯樂之厩多良馬下和之匱多美玉卓犖瓌恠集作恠之士宜乎游於大人君子之門也相國隴西董公既平汴州天子命御史大夫吳縣男為軍司馬門下之士權生實從之來權生之貌固若常人耳其文辭引物連類窮情盡變宮商相宣金石諧和一作聲寂寥乎短章春容乎大篇如是者閱之累目而無窮焉愈常觀於皇都每年貢士至千餘人

與之遊或得其文若權生者百無一二焉如是而將進於明有司重之以吳縣之知其果有成哉於是感賦詩以贈之

送何堅序

前人

何於集作與韓同姓為近堅以進士舉於吾為同業其在太學也吾為博士堅為生與博士為同道其識堅也十年為故人同姓而近也同業也同道也故人也於其志不得願而歸其可以無言耶堅道州人道之守陽公賢也道於湖南為屬州湖南楊公又賢也堅為民堅又賢也湖南得道為屬道得堅為民堅歸唱其州之父老子弟服陽公之令道亦唱其縣與其比州服楊公之令吾聞鳥有鳳者恒

出於有道之國當漢時黃霸為潁川集有是鳥也實集而鳴焉若史可信堅歸吾將賀其見鳳而聞其鳴也已

送王垣秀才序

前人

吾嘗集作以為孔子之道大而能博門弟子不能備觀而

盡識也故學焉而皆得其性之所近其後離散分處諸侯

之國又各以所能授弟子原遠而未益分集作蓋子夏之

學其後有田子方子方之後流而為莊周故周之書喜稱

子方之為人荀卿之書語聖人必曰孔子子弓子弓之事

業不傳唯太史公書弟子傳有姓名耳一作有曰駢音

姓臂子弓子弓受易於商瞿蓋孟軻師子思子思之學蓋

出曾子自孔子歿群弟子莫不有善獨孟軻集有之傳

其故吾集作余少而樂觀焉太原王垣示余所為文好舉

孟子之所道者與之言信悅孟子而屢焚其文辭夫沿河

而下苟不止雖有疾遲集作必至於海如不得其道也雖

疾不止終不得集作幸而至焉故學者必慎其所道道於楊

墨老莊佛之學而欲之聖人之道者猶航斷港絕潢以望

至於海也故求觀聖人之道者必自孟子始今垣之所由

既幾於知道如又得其船與楫知沿而不止嗚呼其可量

也哉

送齊皞一作下第序

前人

古之所謂公無私者其取捨進退無擇於親疏遠邇唯其

宜可焉其下之視上也亦唯視其舉黜之當否不以親疏

遠邇疑乎其上之人也故上之人行志擇誼坦乎其無憂
於下也下之人剋已惧行確乎其無惑於上也是故為君
不勞而為臣甚勞見一善焉可得詳而舉也見一不善焉
可得明而去也及道之衰上下交疑於是乎舉讎舉子之
事載之傳中而稱美之謂之忠見一善焉若親與邇不敢
舉也見一不善焉若疏與遠不敢去也衆人之所同好焉
矯而黜之乃公也衆人之所同惡焉激而舉之迺忠也於
是乎有違心之行有怫志之言有內愧之名若是者俗所
謂良有司也膚受之訢集作不行於君巧言之誣不起於
人矣嗚呼今之君天下者不亦勞乎為有司者不亦難乎
為人集作嚮道者不亦勤乎是故端居而念焉非君人者

之過也則曰有司焉則非有司之過也則曰今舉天下人
焉則非今舉天下人之過也蓋其漸有因其本有根生於
私其親成於私其身以已之不直而謂人皆然其植之也
固久其除之也實難非百年必世不可得而化也非知命
不惑不可得而改也已矣乎其終能復古乎若高陽齊生
者其起予者乎齊生之兄為時名相出藩于鎮南朝之碩
臣皆其舊交齊生舉進士有司用是連枉齊生齊生不以
云乃曰我之未至也有司其集作枉我哉我將利吾器而
俟其時耳抱負其業東歸於家吾觀於人有不得志則非
其上者衆矣亦莫計其身之短長也若齊生既不得志矣
五字集作既至矣而曰吾未至也不以閱於有司其不亦鮮乎哉

吾用是知齊生後日誠良有司也能復古者也公無私者也知命不惑者也

送牛堪登第歸序

前人

以明經舉者誦數十萬言又約通大義微辭引類旁出入他經者又誦數十萬言其為業也勤矣登第於有司者去民訟而就吏祿由是進而累為卿相者常常有之其為獲也亦大矣然吾未嘗聞有登第於有司而進謝於其門者豈有司之待之也抑集作御以公不以情舉也抑集無也字則為私乎抑無乃也亦將然乎其進而謝於其門也集無也字則為私乎抑無乃人事之未思或者不能舉其禮乎若牛堪者思慮足以及之材質足以行之而又不聞其往者其將集無將字有以哉集無將字遠集無將字而求識立奇而取名非堪心之所存也由是而觀之若堪之用心其至於集無為大官也不為幸矣堪太學生也余博士也博士師屬也於其集無其字登第而歸將榮於其鄉也能無說乎

送進士王含秀才序

前人

吾少時讀醉鄉記私恠隱居者無所累於世而猶有是言豈誠旨於味耶及讀阮籍陶潛詩然後乃知彼雖偃蹇不欲與世接然猶未能平其心或集作不為事物是非相感發於是有託而逃焉者也若顏氏之子集作子之操瓢與簞食曾參歌聲若出金石彼得聖人而師之汲汲若不可及其於外也固不暇尚何事翹集無之託而昏冥之逃耶吾又以為

悲醉鄉之徒不遇也建初天子嗣位有意貞觀開元之
不績在朝廷之臣爭言爭當此時醉鄉之後世又以直廢
吾既悲醉鄉之文辭而又嘉良臣之烈思識其子孫今子
之來見我也無所挾吾猶將張之况文與行不失其集作
世守渾然端且厚惜乎吾力不能振之而其言不見信於
世也於其集作行姑與之飲酒

送集作張童子亭

前人

天下之以明二經舉於禮部者歲主三千人始自縣考試
定其可舉者然後升於州若府其不能中科者不與是數
焉州若府惣其屬之所升又考試之如縣加察詳焉定其
可舉者然後貢於天子而升之有司其不能中科者不與

是焉謂之鄉貢有司者惣州府之所升而考試之如察
詳焉第其可進者以名上於天子而藏之屬之吏部歲不
及二百人謂之出身能在是選厥惟艱哉二經章句僅數
十萬言其傳注在外皆誦之又約知其大說繇是舉者或
遠至十餘年然後與乎二千之數而升於禮部矣又或遠
至十餘年然後與乎二百之數而進於吏部矣班白之老
二字蜀半焉昏塞不能及者皆不在是限有終身不得與
者焉張童子生九年日州縣達禮部一舉而進立於二百
人之列文二年益通一經有司復上其事繇是拜衛兵曹
之命人皆謂童子耳日明達神氣以靈余亦偉童子之獨
出于等夷也童子請其官之長隨父而寧毋歲八月自

京師道一作陝南至一作東及洛師北過大河之陽九月始

來及集作鄭自朝之集作人以及五都之伯長群吏集作

皆厚其餼賂或作歌詩以嘉童子童子亦榮矣雖然愈

將進童子於道使人謂童子求益者非欲速成者夫少之

與長也異觀少之時人唯童子之異及其長也將責成人

之禮焉成人之禮非盡於童子所能而已也然則童子宜

暫息乎其已學者而勤乎其未學者可也愈與童子俱陸

公之門人也慕回路二子之相請贈出趙德本無出子與處也故

有以贈童子

送陳密序

太學生陳密請於余曰密承訓於先生今將歸拜集作其

待朝夕見願先王賜之言密將以為戒密來太學

經者累年不獲其選是弗利於是科也今將易其業也

三禮是習願先生之張之也密將以為鄉榮余媿乎其言

遺之言曰子之業信習矣其儀容信合於禮矣抑吾所見

者外也夫外不足以信內子誦其文則思其義習其儀則

行其道則將謂子君子也爵祿之來也不可辭矣科寧有

利不利耶

同吳武凌送前桂州杜留後序 柳宗元

觀室者觀其隅隅之巍然直方以固則其中必端莊宏遠

可居者也人孰異夫是今若杜君之隅可觀而中可居居

之者德也替南方之理理是以大惣留府之政政是以

其道不撓好古書百家言洋洋滿車行則與俱止則相
積為義府溢為高六慙而和肆而信豈詩所謂抑抑威
惟德之隅者耶今在也有以其道聞于天子天子唯士之
求為急杜君欲辭等臣侍徒之位其可得乎濮陽吳武陵
直而甚文樂杜君之道作詩以言余猶吳也故於是乎
馬集無

焉字

送邠寧獨孤書記赴辟命序

前人

僕間歲驟遊邠疆今戎帥楊大夫時為候奄盡護群牧用
答法箠令不吐強禦下莫有逗撓陵暴而犯令者沉斷壯
勇專志武力出麾下取主公之節鉞而代之位鵬冠者
而榮之今又能旁貴文雅以答繳一有召文士之秀者

密署為記室俾職文翰翕然致得士之稱於談者之

益朝廷以勇爵論將帥豈濫也哉獨孤生與仲允實集

迎舉進士並時管記於漢中新平二連帥府俱以筆硯

承荷舊德位未達而榮如貴仕其難乎哉噫白大戎陷河

右逼西鄙精集作兵備虞縣造告勞內匱中府太倉之蓄

僅而復饜投石而賈勇者思所以奮力論者以為天子且

從河孺故疆拓達西戎而罷諸侯之兵則曳裾戎幕之下

專弄文墨為壯夫捧腹甚未可也吾子歷攬古今之變而

通其得失是將桓密畫於借筋之宴發群謀於草集作奏

之筆上為明天子論列熟計而導揚威然後談笑罇俎

賦從軍之樂移書飛文諭告西土切脅之伍俾其筆食壺

樂犒迎王詠在吾子而已往慎辭令集有無字使諭蜀之書楚
然之文炳列于漢史真可慕也不然是瓊瓊者惡足置茲
牙間而榮吾子哉

送薛判官量移序

前人

仕於世有勞而見罪凡人處是鮮不怨懟忿憤列於上怨
於下此恒狀也異於恒者其道宜顯薛生司貨贖於軍興
之際兵亂不去然得以不犯由太行以東皆傳道之可以
為勞矣而竟連大獄以至於放不感集作感於貌不排於心
樂以自肥而未嘗尤於物其有異於恒矣哉朝廷施恩澤
集有凡受謫者罪得而未薄乃命以近壤薛君去連而
於朗是其漸於顯歟君子學以植其志信以篤其道
於恒者充而大之苟推是以往雖欲辭顯難矣

送李判官往桂州序

前人

士之習為吏者恒病於少文故給而不肆飾於華者恒病
於無斷故放而不制今李生學於詩有年矣吟詠風賦頗
聞乎人至於是州惟州之牧咨焉以贊戎事而糾郡集作群
吏甚直且武豈所謂吏而華者耶以府喪罷去擇而之乎
有禮之邦推是道也以往然而不際於禮則吾不知也

送寧國范明府序

求本作詩序

前人

近制凡得仕於王者歲登名於兵部兵部則必叅其等列
分而合之率三十人以為曹謂之申名書為三其一藏之
有司其二藏之中書洎門下每大選置大考績必關決會

驗而視其成有不合者下有司罷去甚衆由是吏得爲奸
 以立威賊智以集作弄權詭竊竄易而莫有集作其實必
 求端慤而習於事辯達而勤其務者命之官而掌之居三
 年則又益其官而後去其職有范氏傳真者始來京師近
 臣多言其美宰相聞之用以爲是職在門下甚獲休問初
 命京兆武功尉既有成績復於有司爲宣州寧國令人咸
 曰由邦畿而調者命東西部尉以爲美仕范生曰不然夫
 仕之爲美利乎人之謂也與其給於供備孰若安於化導
 故求發吾所學者施於物而已矣夫爲吏者人役也役於
 人而食有集作力可無報耶今吾將致其慈愛禮節而去
 其欺僞陵暴以惠斯人而後有其祿庶可平吾心而不愧
 於色苟獲是焉足矣季命不爲殿中侍御史以是言也告於
 其僚咸悅而尚之故爲詩以重其去而使余爲序

送薛存義之任序

前人

河東薛存義將行椰子載肉于俎崇酒于觴追而送之江
蜀本有許飲食之且告曰凡吏於土者若知其職乎蓋民
 之役非以役民而已也凡民之食於土者出其什一備乎
 吏使司平於我也今我集無受其直怠其事者天下皆然
 豈唯怠之又從而盜之向使備一夫於家受若直怠若事
 又盜若貨噐則必甚怒而黜罰之矣以今天下多類此而
 民莫敢肆其怒與黜罰何哉勢不同也勢不同而理同如
 吾民何有達于理者得不恐王畏乎存義假令零陵二年

矣蚤作而夜思勤力而勞心說者平賦者均老弱無蜀本作寧懷詐暴憎其為不虛取直也的矣其知恐而畏也審矣吾賤且辱不得與考績幽明之說於其往也故賞以酒肉而重之以辭

送詩人廖有方序

前人

交州多南金珠璣瑇瑁象犀其產皆奇恠至於草木亦殊異吾常恠陽德之炳耀獨發於紛葩瓌麗而罕鍾乎人今廖生剛健重厚孝悌集作道信讓以質乎中集作內而文乎外為唐詩有大雅之道夫固鍾於陽德者耶是世之所罕也今之世恒人其於紛葩瓌麗則凡知貴之矣其亦有貴廖生者耶果能是則吾不謂之恒人矣是集作實亦世之所罕也

送解序

前人

人咸言吾宗宜碩大有積德焉在高宗時並居尚書省二十二人遭諸武以故衰耗武氏敗猶不能興集注有不為能二字非尚書吏者間十數歲乃一人末貞元年吾與族兄登並為禮部屬吾黜而季父公綽更為刑一有吏部郎則加稠焉又觀宗中為文雅者炳炳然以十數仁義固其素也意者復興乎三字集作復其興乎自吾為僂人所南鄉後之顯然出者吾不見之也其在道路幸而過余者猶集作獨得解解資厚不語敦朴有裕若器焉必隆然大而後可以有受撰所以入之者而已矣其文蓄積甚富好慕甚正若墻焉必基之應

而後可以有蔽擇其所以出之者而已矣勤聖人之道輔以孝悌復嚮時之美吾於解焉是望汝往哉見諸宗人為我謝而勉焉無若太山之麓止而不得升吳唯川之不

集作似已乎吾去子終老於夷矣

送李渭赴京師序

過洞庭上湘江非有罪左遷者罕至又况臨源嶺下灘水出荔浦名不在刑部而來吏者其加少也固宜前余逐居永州李君至固恠其棄美仕就醜地無所束縛自取瘁癘後余斥刺郴州至于桂君又在焉方屑屑為吏噫何自苦為集作如耶明時宗室屬子當尉畿縣王師連征不貢二府方汲汲求士李君讀書為詩有幹局久遊燕魏趙代間知人情識地利能言其故以是入都于丞相益國事不獲於集作乎已而已以有獲予嫉其不為是久矣今而曰將行請余以言行哉行哉言止是而已

送辛殆庶下第歸京師序一首

送獨孤申長府從往河東序一首

送內弟盧君遊杜州序一首

送從兄簡能還歸江淮詩序一首

送賈山人南遊序一首

送元十八山人南遊序一首

送班孝廉擢第歸東川觀省序一首

送嚴公貺下第歸興化觀省序一首

送蔡秀才下第歸觀序一首

送徐從事北遊序

柳宗元

讀詩禮春秋莫能言說其容貌充充然而聲名不聞傳於世豈天下廣大多儒而使然歟將使晦其說諱其讀不使世得聞傳其名歟抑處於遠仕於遠不與通都大邑豪傑角其伎而至於是歟不然無顯者為之唱集作以振動其

心集作

歟今之世不能多儒可以蓋生者觀生亦非晦其

說讀者然則餘二者為之決矣生北遊必至通都大邑通都大邑必有顯者由是其果聞傳於世歟苟聞傳必得位得位而以詩禮春秋之道施於事及於物思不負孔子之筆舌能如是然後可以為儒儒集作可以說讀為哉此篇誤編在七百十一卷今移入此

送辛殆庶下第遊南鄭序

前人

朝廷用文字求士每歲布衣束帶借計吏而造有司者僅半孔徒之數春官上大夫擢甲乙而升司徒者於孔氏高第亦再倍焉僕在京師凡九年於今其間得意者二百有六十人其果以文克者十不能一二嘗後俊造之後頗涉藝文之事四貢鄉里而後獲焉方之於釣者絲綸不屬鈞

喙甚直嗜蜀本有羨餌者蜀本無而缺望獲魚之暮則善

取者皆指而笑之今辛生固窮而未達遲久而不試褒衣

之徒視子而捧腹者蓋不乏焉四字蜀本作辛生來集作

南依蠻楚專志於學為文無謬悠迂誣之談鍛鍊剪截勁

可觀采故相國齊公接禮加等常為右客且佐其策名之

願遂笈典墳集作袖文章比來王都笑揖群伍文昌下大

夫上士之列見而噐異爭為敲譽由是為聞人戰術藝之

場莫與爭鋒然而遷延三北躑躅不振豈其有鈎而鈎懷

羨餌而羨魚者耶若辛生者有司抑之則已不然身都甲

乙之籍其果以文克歟今則囊如懸磬備室寓食方將適

千里求仁人被冒畏景陟降棧道吾歛抑而不歎其若心

何然吾聞焚舟而克于劍而盟者皆敗北之餘也予之

冠困而往霸心勇氣無乃發於是行乎成拜賜之信刷壓

境之耻無乃果於是舉乎往慎所履如志邁返自固植以

遂子之欲姑使談者謂我言而中不猶愈乎

送獨孤申叔侍從蜀本往河東序 前人

河東古吾土也家世遷徙莫能就緒聞其間有大河條山

氣蓋關左文士往往仿伴臨望坐得勝繁焉吾固翹翹褰

裳奮懷舊都日以滋甚獨孤生周人也往而先我且又愛

慕文雅甚達經要才與身長上志益強力挾是而東夫豈

徒往乎温清奉引蜀本之隙必有羨製儻飛以示我我將

易觀而待所不敢忽古之序者期以申導志義不為富厚

而今也反是生至於晉出吾斯文於筆硯之伍其有評我
太簡者慎勿以知文許之

送內弟盧遵遊桂州序

前人

外氏之世德存乎古史揚乎人言其敦大朴厚尤異乎他
族由遵而上五世為大儒兄弟三人咸為帝者師其風之
流者皆好學而質重遵余弟子蜀本無也廣而不肆與而
不儻孝敬忠信之道拳拳然未嘗去乎其中蓋由其中出
者也浸潤以詩易動搖以文采以余棄于南服來從余居
五年矣未嘗見其行有悖乎義言有異乎行者則余之棄
也適累斯人焉以愛余而慰其憂思故不為京師遊以取
名當世以桂之邇也而中丞之道光大多容賢者故洋洋

而趨以出其中之有夫如是則宜其集無其字奮翼
乘風波以遊乎無倪往哉其漸乎是行也

送從兄偁罷選歸江淮詩序

前人

伯氏自淮陽從調抵于京師冬十月牒計不至攝衽而退
顧謂宗元曰昔吾祖士師生于衰周與道同波為世儀表
故直道而仕三黜不去孔氏稱之遺佚而不怨厄窮而不
憫孟子贊之今吾遑遑末路寡偶希合進不知嚮退不知
守所不敢折其志感其心遵祖訓也然而闕脩瀆之養乏
庾釜之畜逼送無成東轅淮湖雖欲脫細故於胃中味道
腴於舌端勉脩厥志懼不恒久子當慰我窮局之懷祛我
行役之憤傳之以文發於詠歌吾非子之望將誰望焉宗

元拜拜曰夫聞善不慕與聾聵同見善不敬與昏瞽同知
善不言與嚚瘖同則聞之先達久矣矧吾兄有柔儒之茂
質恢曠之弘量敢無敬乎有述祖之美談安道之貞節敢
無慕乎觀徽容而敬聞嘉話而慕敢無言乎言不稱德文
不盡志適為累而已矣心是賦而序之繼其聲者列于左
凡五十七首遂命從姪集無上序編為後序終焉

送從弟謀歸江陵序

前人

吾與謀由高祖王父而共謀少吾二歲往時在長安居相
適也與謀皆甚少獨見謀在衆少言好經書心異之其後
吾為京兆從事謀來舉進士復相得益知謀盛為文辭通
外家書一再不勝懼祿養之緩棄去為廣州從事復佐
州連得薦舉至御史後以智免歸家江陵有宅一區環之
以桑有僮指三百有田五百畝樹之穀藝之麻養有牲出
有車無求於人日率諸弟具滑甘豐柔視寒燠之宜其隙
則讀書講古人所謂集作求其道之至者以相勵也過永
州為吾留信次具道其所為者凡士人居家孝悌恭儉為
吏祗肅出則信入則厚足其家不以非道進其身不以苟
得時退則退尊老無井臼之勞安和而益壽兄弟衍衍以
相友不謀食而食給不謀道而道顯則謀之去進士為從
事於遠始也吾疑焉今也吾是焉別九歲而會於此視其
貌益偉問其業益習叩其志益堅於虜吾宗不振久矣識
者曰今之世稍有人焉若謀之出處庸非所謂人歟或問

管仲孔子曰人也謀雖不識於管仲其集有為道無悖亦於字可以有是名也抑又聞聖人之道學焉而必至謀之業良矣而又增焉志專矣而又若不足焉孔子之門不道管晏則謀之為人也其可度哉吾不智觸罪擯越楚間六年築室茨草為圃乎湘之西穿池可以漁種黍可以酒其終為未州民又恨徒費祿食而無所答下愧農夫上慙王官追計往時咎過日夜反覆無一食而安於口平於心若是者豈不以少好名譽嗜味得毒而至於此耶用是愈賢謀之去進士為從事以足其家終始孝悌今雖集有羨之豈復可得謀在南方有令名其所為日聞於人吾恐謀不幸又為吾之所悔者將已之而不能得可若何然謀以信厚少

其志以周於事雖履吾跡將不至乎吾之禍
之所悔者則謀何悔之有苟能是雖至於大富貴又何慄耶振吾宗者其惟望乎爾

送僧浩初序

前人

儒者韓退之與余善嘗病余嗜浮圖言訾余與浮圖遊近西李生礎自東都來退之又寓書罪余且曰見送元生序不斥浮圖浮圖誠有不可斥者往往與易論語合誠樂之其於性情昭集作爽然不與孔子異道退之好儒未能過揚子揚子之書於莊墨申韓亦一作有取焉浮圖者反不及莊墨申韓之恠僻險賊耶曰以其夷也果不信道而斥焉以夷則將友惡來盜跖而殘賊一作季札由余乎非所

謂去名求實者矣吾之所取者與易論語合雖聖人復生
不可得而斥也退之所罪者其跡也曰髡而緇無夫婦父
子不為耕農蠶桑而活乎今集作人若是雖吾亦不樂也退
之忿其外而遺其中是知石而不知韞玉也吾之所以嗜
浮圖之言以此與其人遊者非不能通其言且九為其道
者不愛官不爭能樂山水而嗜閑安者為多吾病世之逐
逐然唯印組為務以相軋也則舍是其馬從吾之好與浮
圖遊以此今浩初閑其性安其情讀其書通易論語唯山
水之樂有文而文之又父子咸為其道以養而居泊焉而
無求則其賢於為莊墨申韓之言而逐逐然唯印組為務
以相軋者其亦遠矣李生礎與浩初又善今之往也以吾
言示之因北人寓退之况何如也

送濬上人歸淮南觀省序

前人

金仙氏之道蓋本於孝敬而後積以衆德歸於空無其敷
演教戒於中國者離為異門曰禪曰法曰律以誘掖迷濁
世同集作用宗奉其有脩整觀行尊嚴法容以儀範于後學
者以為持律之宗焉上人窮討秘義發明上乘奉威儀三
千雖造次必備嘗以此道宣於江湖之人江湖之人悅其
風而受其賜攀慈航望彼岸者蓋千百計天子聞之徵至
闕下御大明祕殿以問焉導揚本教頗甚稱旨京師士衆
方且翹然仰大雲之澤以植德本而上人不勝顧復之恩
退懷省侍之禮懇迫上乞還集無此字遂無以奪由是杖錫東

顧振衣晨征右司員外郎劉公深明世典通達釋教與上人為方外遊始榮其至今惜其去於是合即署之友詩以既之退使孺子執簡而序之因繫其辭曰上人專於律行恒久彌固其儀刑後學者歎誨于生靈觸類蒙福其積矣德者歎觀于高堂視遠如邇其本孝敬者歎若然者是將心歸空無捨筏登地固何從而識一作之乎古之贈禮必以輕先重故鄭商之犒先乘常魯侯之贈後吳鼎今錢詩之重皆衆集作後吳鼎也故乘常之比得序而先之且曰由禮而不敢讓焉

送深上人南遊序

前人

佛之跡去乎世久矣其留而存者佛之言也言之著者為

則備矣法之至莫尚乎般若道集作之大莫極乎集作淫

繁世之上士將欲由是以入者非取乎經論則悖矣而今之言禪者有流盪舛誤迭相師用妄取空語而脫略方便

顛倒真實以陷乎已而又陷乎人又有能言體而不及用者不知二者之不可斯須離也離之外矣是世之所大患

也吾琛則不然觀經得般若之義讀論悅三觀之理晝夜服習而身行之有來求者則為講說從而化者皆知佛之

為大法之為廣菩薩大士之為雄修而行之者蜀本作為空蕩而無之者蜀本作為礙夫然則與夫增上慢者異矣

異乎是而免斯名者吾無有也將以廣其道而被於遠故

好遊自京師而來又南出乎桂林未知其極也吾病世之
傲逸者嗜乎彼而不末乎此故為之言

送元嵩師序

前人

中山劉禹錫明信人也不知人之實未嘗言言未嘗不
元嵩師居武陵有年數矣與劉遊久且暱持其詩與引而
來余視之申申其言勤勤其思其為知而言也信矣余觀
近世之為釋者或不知其道則去孝以為達遺蜀本情以
貴虛今元嵩衣粗而食菲病心而墨貌以其先人之笑未
返其上無他集無他字族篤以移其哀行求仁者以冀終其心
勤而為逸遠而為近則蓋釋之知道者歟釋之書有大報
恩七篇咸言由孝而極業世之蕩誕慢訑者雖為其道而

好遊其書於元嵩師吾見其不逆且與儒合也元嵩陶氏

子其上為通侯為高士為儒流集作儒先蜀資集作其儒

故不敢忘孝跡其高故為釋承其侯故能與達者遊其來

而從吾也觀其為人益見劉之明且信故又與之言重蜀本

有叙其事

送賈山人南遊序

前人

傳所謂學以為己者是果有其人乎吾長京師三十三年
遊鄉黨入太學取禮部吏部科校集賢秘書出入去來凡
所與言無非學者蓋不啻百數然而莫知所謂學而為己
者及見逐於尚書居永州刺柳州所見學者益稀少常以
為今之世無是決也居數月長樂賈景宣集作伯來與之言

遂於經書博取諸史群子昔之為文章者畢一作貫統言

未嘗設行未嘗恠其居室怡然不欲出門其見人偏一作偏

况而蕭召之仕快然不喜導之還中國視其意夷夏若

莫取其是非曰姑為道而已爾若然者其實為已乎非已

乎使吾取乎今之世賈君果其人乎其足也則居其置也

則行行不苟之居不苟容以是之於今世其果迷於匱乎

吾名逐祿貶言見疵於世余集無余字奈賈君何於其之也即

其舟與之酒侑之以歌歌曰充乎已之居或躡其塗匱乎

已之虛或盈其廬孰匱孰充為泰為窮君子烏乎取以寧

其躬若君者之於道而已爾世孰知其從容者耶

送元十八山人南遊序

前人

太史公嘗言世之學孔氏者則黜老子學老子者則黜孔

氏道不同不相為謀余觀老子亦孔氏之異流也不得以

稍抗又况揚墨申商刑名縱橫之說其迭相訾毀抵牾而

不合者可勝言耶然皆有以佐世太史公沒其後有釋氏

固學者之所恠駭舛逆其尤者也今有河南元生者其人

閎曠而質直物無以挫其志其為學既博而貫統數無以

躡其道悉取向之所以異者通而同之搜擇融液與道大

適咸伸其所長而黜其奇袤要之與孔子同道皆有以會

其趨而其器足以守之其氣足以行之不以是道求合於

世常有意乎古之守一作守者及至是邦以余道窮多

而嘗好斯文留三旬有六日陳其大方勤以為論余始得

其為人今又將去余而南歷營道觀九疑下瀧水窮南
以臨大海則吾未知其遠也黃鶴一去青冥無極安得不
馮豐隆想飛燕以寄聲於家廟耶

送班孝廉擢第歸東川觀省序 前人

隴西辛殆庶稱吾文宜叙事晨持纈素以班孝廉之行
為請凡曰夫人殆所謂古士也慙而信質而禮言不黷
行不進越其先兩漢間英華作文儒世其家業其風流後
裔齋避諱耽學篤志之士往往出於其門今夫人研精典墳
不告勛勳獨者舉鄉里登春官獲居其甲焉家于蜀之東
道其嚴君以客卿之位實是方岳為大夫良今將拜慶寧
觀光輝族屬是其可歌也道出南鄭外王父以將相之

重加命亦社為諸侯師今又將征集作駕省謁從容燕喜

且又可歌也故我與河南獨孤申叔趙郡李行純行敏等
若干人皆歌之矣若乃序者固吾子宜之柳子曰吾嘗讀
王命論及漢書嘉其立言彼生彪固之胃歟相國馮翊王
公功在社稷德在生人其門子遊文章之府者吾嘗與之
齒彼生嚴氏之出歟承世家之儒風沐外族之休光彼生
專聖人之書而趨君子之林宜矣哉遂如辛氏之談濡翰
于素因寓于辭曰為我謝子之舅氏珠玉將至得無脩容
乎

送嚴公既下第歸興化觀省詩序 前人

嚴氏之子有公既者退自有司踵門而告柳子曰吾獻藝

不售於儀曹之司集無實貨不中度敢逃其咎詔朝將行

願聞所以去我者其可乎哉余諭之曰吾子以冲退之志

端其趣嚮以淬礪之誠脩其文雅行當承教戒於獨立之

下濬發清源激揚洪音沛哉鏗鏗乎充於集作四體之不

暇吾何敢去子恭唯相國馮翊公有大勲力盈於旂常極

人臣之尊分天子之憂發邦坤隅柄是文武君子者生有

黼黻梁肉之美不知耕農之勤勞物役之艱難趨其庭有

魏絳之金石焉候其門有亞夫之祭戟焉中人處之不能

無傲而子之伯仲皆脫略貴美服勤儒素退託於布衣諸

帶之任如少習然故繼登上科以及於子是可舉嚴氏之

教誦乎他門使有矜式也而吾子又引愚內訟撝謙如此

其何患乎賈之不售而自薄哉於是文行之達者若高陽

齊據者借賦命余序引余朴不曉文故書嚴子之嘉言編

于其集作簡竊褒貶與國本之義以贈

送蔡秀才下第歸觀序

前人

僕之始貢於京師著者卦之曰是所謂望而未覩隱而未

見曠乎遠而有榮者也今茲歲在鶉首若合於壽星其果

合也集作僕時悒然遲之謂其誕漫惟迂是將不然然而


僅實於懷耳未克決而忘之也後果依違遷就四進而獲

卒如其言云噫彼莫莫者其有宰於人乎不然何應其

應其前定若是之彰明也今蔡君馳聲耀譽聞於公

戰藝之徒推為先登而五就鄉舉往則見罷意者前定

期殆未及歟故君子之居易俟命樂天不憂者果於自足也君其勸文學焉丈人牧人南邦君展觀承顏婆娑愉之暇則充其經笥茂是文苑時焉逃哉遲速之事則皆人之任吾不及知



文苑英華卷第七百三十一

